

ახალი გველი


ყოველ-კვირული სამეცნიერო საბოლიტ. და სალიტერ. ჟურნალი.

№ 6 ორგანო ახალგაზრდა მარქსისტთა ორგანიზაციებისა. № 6

რედაქციისაგან: პროვინციელ ამხანაგებს ესთხოვთ ჟურნალის ფულის გამოგზავნა დააჩქარონ, შემდეგი მისამართით: Тифлисъ. Головинскій пр. № 12, редакция „Ахали Квали“, Бидзинѣ Рамишвили. სხვა მისამართით გამოგზავნილ ფულს რედაქცია ვერ მიიღებს.

შინაარსი: 1) ჩვენი სეიმი და ზაფი.—მ. ხუნდაძე. სოც.—ფედერალისტები.—ს. მიხელიძე. 7) წესდება ამიერ-კავკასიის დამოუკიდებლობა.—ა. ი. ვ. ** (ლექსი).—გენო. 4) ქალთა კითხვის შესახებ.—არ. მექანარი-შვილი. 5) სადღესო შენიშვნები. 2. ჩვენი დროის უტოპისტები.—ვ. ნიკურაძე. 6) კოლოპერაცია და ქართული კავკასიის ახალ-გაზრდა მარქსისტთა ორგანიზაციისა.—მ. ამ. კავკ. ახალგ. მარქს. კონფერენცია. (მოხსენებები ადგილებიდან).

13315



მეორე საიათბიროს ს.-დ ღებუბატები.
შუაში: ირ. წერეთელი; მარჯვნივ: არ ჯაფარიძე; მარცხნივ: სეფ. ჯულელი; ზევით: გერ. მახარაძე, კ. ლომიათიძე; ქვევით: კ. კანდელაკი, ნ. კაციაშვილი.

ჩვენი სეიმი და ზავი.

რუსეთის რევოლიუციამ თავის დაწყებისთანავე კაცობრიობის წინაშე წამოაყენა ერთი უკეთილშობილესი ლოზუნგი—„დემოკრატიული ზავი, უანექსიო, უკონტრიბუციო, ერთა თვითგამორკვევის უფლებით“. ეს ლოზუნგი კომერციალის კონფერენციამ წარმოშვა და თავისი არსებით სოციალისტურ ინტერნაციონალის შემოქმედების ნაყოფს წარმოადგენს. მას შემდეგ, რაც რუსეთის სახელმწიფოს მართვა-გამგეობა ფაქტიურათ სოციალისტურ დემოკრატიის ხელში გადავიდა, დემოკრატიულ ზავის პრინციპები საფუძვლად დაედგა რუსეთის ახალ საგარეო პოლიტიკას.

რასაკვირველია ამ პრინციპების ცხოვრებაში გატარება მეტათ ძნელი საქმე იყო. ამას ყველა გრძნობდა. ამ ისტორიულ როლს მართა რუსეთის რევოლიუციონური დემოკრატია ვერ შეასრულებდა. დემოკრატიული ზავის განსახორციელებლათ საქრო იყო მეომარ სახელმწიფოთა პროლეტარიატის დარაზმვა ერთ ღროშის ქვეშ და ინტერნაციონალის შეთანხმებული გამოხვლა იმპერიალისტურ პოლიტიკის წინააღმდეგ.

ამ უკანასკნელ პრინციპზე ემყარებოდა ჩვენი პარტიის საგარეო პოლიტიკის პროგრამა და მას დემოკრატიის დიდი უმრავლესობა მხარს უჭერდა. სტოკჰოლმის კონფერენციის მოწვევა—უმთავრეს საზრუნავ საქმეს შეადგენდა ჩვენთვის. სეპარატიული გამოხვლა, ამის სეპარატიულათ დამთავრება მთლათ დაქსაქსავდა საერთაშორისო პროლეტარიატის ძალებს და ნიადაგს მოუზადებდა იმპერიალიზმის სრულ გამარჯვებას. ჩვენ ღრმათ გეწამდა, რომ დასავლეთ ევროპის მშრომელი მასა გამოიღვიძებდა და მთელი თავისი ძლევამოსილებით რუსეთის რევოლიუციის მიერ დაწყებულ საქმეს აქტიურ დახმარებას გაუწევდა.

მაგრამ, ჩვენდა საუბედუროთ, ჩვენი ოცნება გადაქარბებული ყოფილა და დღეს დღეობით არ შეეფერებოდა საესებით საერთაშორისო დემოკრატიის ძალას და გავლენას.

დემოკრატიულ ზავის საქმე ძალიან სუსტათ მიდიოდა წინ. იმპერიალიზმი ჯერ კიდევ ძალიან ძლიერი აღმოჩნდა და მისი დამარცხება ადვილი საქმე არ იყო. ამი გრძელდებოდა. ეკონომიურათ

დასუსტებული რუსეთი ვეღარ იტანდა ამ გარემოებას. ჯარი დიქანცა და ბრძოლის უნარი გაუქარწყულდა. ხალხის უკმაყოფილება თანდათან ღრმავდებოდა და სწორეთ ამ მიზეზის გამო ბალშევიკების აგიტაციას ფართო ასპარეზი გადაეშალა ისინი ხალხს დაუყონებლივ ზავს დაპირდენ. ხალხ-ც, უმთავრესათ დატანჯული ჯარი, თან გაყვა მათ. და აი ოქტომბრიდან დაწყებულ რუსეთს ლენინი და მისი თანამოაზრეები განაგებენ. ოქტომბრის აჯანყება ლენინელებმა აღიარეს სოციალისტურ რევოლიუციის დასაწყისათ. ახალი მთავრობა შეუდგა ეკონომიურ და სოციალურ წესწყობილების ძირიანათ გარდაქმნას. მაგრამ უკულტურო, კაპიტალისტურათ განუფითარებელმა რუსეთმა ლენინის „დეკრეტომანია“ ვერ მოინელა: რამოდენიმე პროვინცია, როგორც უკრაინა, ციმბირი, დონი, ყირიმი სრულიად ჩამოშორდა მას და თავის საკუთარ პოლიტიკურ გზას დაადგა. ამ გარემოებამ გააღრმავა სამოქალაქო ომი, ბალშევიკებმა ომი გამოუცხადეს უკრაინას, ციმბირს, დონს. მთელი რუსეთი—ძმათა შორის სისხლის ღერის ასპარეზათ გადაიქცა.

აი ამ პირობებში შეუდგა ლენინი საზავო მოლაპარაკებას სეპარატიულათ გერმანიის... იმპერიალისტებთან. ბეშვისათვისაც ნათელი იყო, რომ ასეთი მოლაპარაკება რუსეთის სრული კაპიტულიაციით უნდა დათავებულყო. ასეც მოხდა. დღეს მთელი დემოკრატიული რუსეთი გერმანელ იმპერიალისტების ანაბარა დარჩა.

იმ საზავო ხელშეკრულობაში, რომლსაც ბალშევიკები თანახმა არიან ხელი მოაწერონ, სხვათა შორის გამოტოვებულია ამიერ-კავკასია. *) რას უქადის ზავი ჩვენს პატარა ქვეყანას, რა პირობებში ვიმყოფებით დღეს ჩვენ ბალშევიკების ზავის თანახმათ—ჩვენთვის სრულიად გაუგებარია.

ცხადია ჩვენზე არავინ არ ზრუნავს და ჩვენ საქმეს ჩვენ თვითონ უნდა უპატრონოთ. აი ამიტომ ბუნებრივი და აუცილებელია ის ნაბიჯი, რომელიც გადადგა ამიერ-კავკასიის სეიმა 16 თებერვლის სხდომაზე. სეიმა, ჩვენი დემოკრატიის უზენაეს ორგანომ, გადასწყვიტა დაუყონებლივ ჩამოაგდოს ზავი ოსმალეთთან, მით უმეტეს, რომ ოტტო-

*) ეს წერილი დაწერილია უკანასკნელ დებუშების მიღებამდე.

მანთა იმპერიის მთავრობამ თვით გამოსთქვა სურვილი ზავისადმი.

ჩვენ სეიმში სხვა და სხვა პოლიტიკური პარტიები იმყოფებიან, მათი პოლიტიკური ფიზიონომია სულ სხვა და სხვა ნაირია. მაგრამ საბედისწერო ჟამს, როდესაც წყდება კითხვა ამიერ-კავკასიის ყოფნა არ ყოფნის შესახებ, როდესაც ჩვენ საზღვრებს თანდათან უახლოვდება ოსმალეთის ჯარები, შიგნით კი ანარქია ძლიერდება, —სეიმმა გამოანახა საერთო დემოკრატიული ენა. ზავის რეზოლიუციის მიღებაში სეიმმა შესანიშნავი ერთსულოვნობა გამოიჩინა.

რა შინაარსის არის სეიმის საზავო რეზოლიუცია?

უწინარეს ყოვლისა სეიმი აცხადებს, რომ ის თავის თავს კომპეტენტურათ და უფლებამოსილათ სთვლის იმისათვის, რომ დამოუკიდებლათ ჩამოაგდოს ზავი ოსმალეთთან. მეორე მუხლში გამოთქმულია მტკიცე სურვილი **საბოლოო** ზავის ჩამოგდებისადმი. შემდეგ რეზოლიუციაში აღნიშნულია, რომ ზავის აუცილებელ პირობას შეადგენს ერთი მხრით 1914 წლის საზღვრების აღდგენა (ე. ი. ი. საზღვრების, რომელნიც არსებობდნენ რუსეთსა და ოსმალეთს შორის ამ ომის წინ) და, მეორე მხრით, თვითგამორკვევის უფლების მინიჭება აღმოსავლეთ ანატოლიის ერებისთვის და ოსმალეთის სომხეთისთვის, რომელნიც დარჩებიან ოსმალეთის სახელმწიფოს საზღვრებში.

ამგვარია ჩვენი საზავო პირობები. ჩვენ ვეწინააღმდეგებით ყოველგვარ ანექსიებს და კონტრიბუციებს, მასთან ერთათ ჩვენ დაბეჯითებით მოვითხოვთ იმ ერთა განთავისუფლებას, რომელთაც ამიერ-კავკასიის პირდაპირი კავშირი აქვს. ჩვენი ზავი საპატიო და დემოკრატიული ზავია. თუ მას ეწინააღმდეგებოდა სეიმის ერთი წევრი, კადეტების წარმომადგენელი, ეს ჩვენთვის, რა თქმა უნდა, გასაგებია, და ეს გარემოება ჩვენ არ შეგვიშლის ხელს. კადეტები დღესაც ოცნებობენ თავიანთ იმპერიალისტურ მიზნების განხორციელებაზე, დღესაც არ ანებებენ თავს კონსტანტინოპოლს. რასაკვირველია, ეს მათი საქმეა. დემოკრატის კი, მათთან საერთო არაფერი არა აქვს.

პესიმისტები ამბობენ, რომ ჩვენ ვერ მივალწვეთ ჩვენ მიზანს საზავო მოლაპარაკებაში, რომ დღეს ამ საკითხს მხოლოდ რეალური ძალთა გან-

წყობილება სწყვეტს. ოსმალეთი დღეს თავის თავს გამარჯვებულათ სთვლის და ამიტომ ჩვენთვის მისაღებ ზავზე არ დაგვეთანხმებაო.

შესაძლებელია ეს პესიმიზმი არ არის უნიადგაო.

მაგრამ ჩვენ მას არ ეიზიარებთ. ჩვენ გვწამს, რომ ოსმალეთი სრულიად არ არის დაინტერესებული იმაში, რომ ფართო იმპერიალისტური პოლიტიკა აწარმოვოს.

შეიძლება მოკლე ხანში საერთაშორისო ძალთა განწყობილება სრულიად შეიცვალოს, დღეს თუ გერმანია და ოსმალეთი გამარჯვებული არიან, ხვალ ისინი დამარცხებას იგემებენ. ეს შესაძლებელია, ვიმეორებთ, ვინაიდან ომის ბედი ცვალებადია. ამიტომ წამოყენებულ საპატიო ზავის პირობებმა უნდა დააკმაყოფილოს ოსმალეთი.

შემდეგ, ნუ დავივიწყებთ, რომ ამიერ-კავკასიის სეიმის დელეგაციას დიდი მორალური და პოლიტიკური ავტორიტეტი ექნება იმ მხრით, რომ ის გამომახტველი იქნება ამიერ-კავკასიის ყველა ერთა ირთსულოვან ნებ-სყაფისა. მუსულმანები, ჯართეოქობა და სომხები, რომეთა საართო რიცხვი 8 მილიონს აღწევს, ერთ დროს ქვეშ არიან გაერთიანებული და შეკავშირებული; ამ ერთსულოვნობას არ შეიძლება, რომ არ გაუწიოს ანგარიში ოსმალეთის პოლიტიკისებმა.

თუ ამ საგულისხმო გარემოებამ არ გასტკრა, თუ ოსმალეთის მთავრობა, დღევანდელ მდგომარეობით დაბრმავებული, მოინდომებს ჩვენ დამონაგებას, არ დაეთანხმება ჩვენს საზავო პროგრამას და ჩვენს საზღვრებისაკენ გამოილაშქრებს, —შაშინ აღსდგება ჩვენი ქვეყნის დემოკრატია და თავგანწირულ ბრძოლაში წითელი დროში ხელში შეებმება ძლიერ მტერს თავისუფლების დასაცველათ. იმიტომ კი არ შესწირა ჩვენმა დემოკრატებმა აუარებელი მსხვერპლი რევოლიუციას, რომ მის მიერ მოპოვებული თავისუფლება გარეშე მტერს მუხლმოდრეკით მიუტანოს და თვითონ ისევ ბოაკილები დაიდოს. ამას ჩვენ ყველანი კარგათ ვგვრძნობთ, და ამიტომ თავისუფლებას არავის არ დაუთმობთ უბრძოლველათ.

მ. ხუნდაძე.

ამიერ-კავკასიის დამოუკიდებლობა.

ქეშმარიტათ პოლიტიკურ სენსაციების ხანას განვიცდით. ამ ერთი წლის განმავლობაში, როგორც კალიედესკოაში ფიგურები, ისე იცვლებოდა პოლიტიკური მდგომარეობა და რაც დღე გადის „ისტორიის ირონია“ მით უფრო მეტ ვირტუოზობას იჩენს.

გულში ამაზე არავინ ფიქრობდა და თუ ფიქრობდა, მისი აზრები ჯერ გამოუტყვეველ ბურუსში იყვნენ გახვეული; დღეს კი ამიერ-კავკასიის დამოუკიდებლობა თითქმის ფაქტია; ასეთ თუ ისე სემის მენშევიკების ფრაქციამ და ჩვენმა პარტიამ ეს საკითხი დადებითად გადასკრა.

ზოგი პოლიტიკურ ცხოვრების ასეთ გადახრაში თავის იდეების გამარჯვებას ჰხედავს; ისინი, ვინც თავის პროგრამაში უღარეს დეცენტრალიზმს, ან სრულს სეპარაციას აღიარებდნენ, თავის თავს გამარჯვებულათ სთვლიან: ჩვენი მოლოდინი გამართლდა, ისტორიის ტენდენცია ჩვენ კარგათ გავითვალისწინეთო. ამის შესახებ ოტო ბაუერი თავის წიგნში: „ნაციონალური საკითხი და სოც.-დემოკრატია“ მუშათა კლასიურ ნაციონალურ პოლიტიკის და პროგრამის ზოგად დებულებების განსაზღვრის დროს ამბობს: „ტყუილათ ელის ზოგიერთი მუშათა კლასისაგან კატასტროფების ამ უბასუხისმგებლო პოლიტიკას; ტყუილათ ჰგონიათ, რომ პროლეტარიატი თავის იმედებს მონარქიის (ამ შემთხვევაში ავსტრიის შესახებ არის ლაპარაკი.—ა.—ი.) დაჩრდევს დაუკავშირებს. მუშათა

კლასმა თავისი ნაციონალური პოლიტიკა არსებულ ისტორიულ საფუძველზე უნდა აწარმოვოს... „ყოველი სღათ მოაზროვნე ადამიანი უნდა სცილობდეს ნაციონალური განწყობილებანი არსებულ სახელმწიფოებრივ ჩარჩოებში მოაწესრიგოს; არავის უფლება არა აქვს გული გაიკეთოს იმ პერსპექტივით, რომ რომელიმე მსოფლიო—პოლიტიკური კატასტროფა გადასჭრის ნაციონალურ პრობლემას“... (Отто Бауэр. Нац. вопрос и соц.-демократия. გვ. 527,6...).

ეს სიტყვები საუკეთესოთ უფარდებდა ჩვენს ეხლანდელს მდგომარეობას და ჩვენ ნაციონალურ პოლიტიკის ხაზს ნათელსა ჰფენს. ჩვენ; რასაკვირველია, ჩვენს ნაციონალურ პოლიტიკას და პროგრამას არსებულ სახელმწიფოებრივ მდგომარეობას და მის განვითარების პირდაპირ ტენდენციებს უფლებით საფუძვლათ და არ შეგვეძლო გავეთვალისწინებინა თავიდანვე რუსეთის რევოლუციის შინაგანი დამარცხება; და რომც შეგვეძლებოდა ამის გათვალისწინება ყოვლად შეუძლებელი იყო ამისთანა, მუშათა კლასისა და რევოლუციის დამარცხებაზე დამყარებულ, დებულების პროგრამის საფუძვლათ დადება. ამისთვის ჩვენი ნაციონალური პოლიტიკა რევოლუციის განმავლობაში მოქნილი და პოლიტიკურ მდგომარეობის

ცვლიდან შეფარდებული უნდა გამხდარიყო. „ჩვენ წინ რომ იდგეს საკითხი; ავტონომია თუ ფედერაცია—ჩვენ ავტონომიას ვარჩევდით; თუ ასე დავაყენებთ კითხვას: ფედერაცია თუ სრული დამოუკიდებლობა—ჩვენ ფედერაციას დაეადგებოდით; მაგრამ როცა ჩვენ ასეთ ალტერნატივის წინაშე ვდგევართ: სრული დამოუკიდებლობა თუ ოსმალეთის ბატონობა ჩვენზე—ჩვენ მტკიცეთ ვდგევართ სრული დამოუკიდებლობის ნიადაგზე.“—ნოე ყორღანის ეს სიტყვები, სემის 22 თებერვლის სხდომაზე წარმოთქმული, საუკეთესოთ ახსიათებს სოც.-დემოკრატიულ, მარქსისტულ ნაციონალურ პოლიტიკის შინაარსს. და ვინც ჰფიქრობს, სოც.-დემოკრატამ უარჰყო თავის წინანდელი ძირითადი დებულებანი და სულ სხვა თვალსაზრისზე დადგაო—ის რასაკვირველია სცდება, პოლიტიკურ ცხოვრებაში ვერ ერკვევა და მეტაფიზიკურ აზროვნებას ვერ გასცილებია.

საზოგადოთ მარქსისტები ყველა თავის მოქმედებაში უფარდებენ ერთმანეთს არსებულ მდგომარეობას და მუშათა კლასის, როგორც მახლობელ, ისე საბოლოო ინტერესებს; სოც.-დემოკრატია, როგორც პროგრესის გამომხატველი პარტია, მტერია ყოველგვარ კონსერვატაზმისა და ვაი იმ სოც.-დემოკრატიულ პარტიას, რომელმაც ტრადიციები და ჩვეულებანი ვერ უარჰყო მაშინ, როცა ეს საჭირო გახდებდა. და აი, მიუხედავათ ჩვენი დემოკრატის რუსეთის დემოკრატისთან მჭიდრო კავშირისა, მიუხედავათ ოცი წლის ბრძოლის ტრადიციებისა—ციემა პოლიტიკურმა მოსაზრებამ დასძლია ყოველგვარი შინაგანი დაბრკოლება. და ზოგიერთების შეურიგებლობა კი ამიერ-კავკასიის დამოუკიდებლობის აქტთან უფრო ფსიხოლოგიური თვალსაზრისით აიხსნება, ვიდრე პოლიტიკური მოსაზრებებით. და ჩვენც, რასაკვირველია, მხოლოდ პოლიტიკურ მოსაზრებებს უნდა გაუწიოთ ანგარიში.

ამიერ-კავკასიის დამოუკიდებლობის საკითხი მკიდროთ დაეკავშირებულა ზავის საკითხთან. აქაურ დემოკრატის დაუკითხავათ ბათუმისა და ყარსის ოლქი სახალხო კომისართა საბჭოში ოსმალეთს დაუთმო; და აი საჭირო ხდება რუსეთის დამარცხების ყოველგვარ მემკვიდრეობისაგან თავის განთავისუფლება, რამდენადაც ეს დღევანდელ პირობებში შესაძლებელი იქნება; მეორეს მხრივ თუ ჩვენ გვინდა ჩვენი დამოუკიდებელი საზავო პოლიტიკა ვაწარმოოთ—საერთაშორისო თვალსაზრისით ერთს იურიდიულს ერთელს უნდა წარმოვადგენდეთ, წინააღმდეგ შემთხვევაში ყოველ პოლიტიკურ მოსაზრებისათვის ოსმალეთს პირდაპირ საბაბი ექნება ჩვენი ზავის პირობები ან არ მიიღოს. ან თუ მიიღებს, ისევე ჩქარა დაარღვიოს.

მაგრამ არის მრავალი სხვა მხარე ამიერ-კავკასიის დღევანდელ პოლიტიკურ მდგომარეობისა, რომელიც ასეთს ნაბიჯს სახიფათოდ ხდის. უდაოთ არის მიჩნეული ის რომ, თუ ამიერ-კავკასიის ერებში სოლიდარობა არ იქნა განმტკიცებული, თუ სიმშენებმა, მუსულმანებმა და და ქართველებმა ერთსულოვნება არ გამოიჩინეს—მაშინ

ყველა დადებითი მხარე ამიერ-კავკასიის დამოუკიდებლათ გამოცხადებისა თავის წინააღმდეგობაში გადავა — და უარყოფითად გადაიქცევა. აქედან გამომდინარეობს — რომ აქაურ ერთა სოლიდარობა აუცილებელი პირობაა ამ ნაბიჯის გადადგმისა; მაგრამ მეორეს მხრივ — ეს სოლიდარობა ერთ-ერთი დადებითი შედეგიც უნდა იყოს ამიერ-კავკასიის დამოუკიდებლობისა.

რუსეთის რღვევამ უაღრესათ განავითარა ცენტრის დამშლელი ძალები და თვით ამიერ-კავკასიაშიაც ძნელი იქნება ძლიერი ცენტრის შექმნა. გამოურკველობაში მყოფი სომხები და მუსულმანები ყველა თავის საკუთარ მომავლის შესახებ ზრუნავს და დასაყრდნობ წერტილს ეძიებს. ასეთ დასაყრდნობ წერტილთა მუსულმანთათვის, როცა სხვა პერსპექტივა არ არსებობს, ადვილი შეიქმნება ოსმალეთის იმპერია. და აი ამ მხრივაც ამიერ-კავკასიის დამოუკიდებლობა იმ ახალ ფაქტორათ უნდა გახდეს, რომლის გარშემო უნდა შემოკრბეს ყველა ერი ამიერ-კავკასიისა. მუსულმანთათვის ამ შემთხვევაში ოსმალეთის ორიენტაცია, ამიერ-კავკასიის ორიენტაციათ უნდა უცხოვდლოს; ისინი თავის თავს იკრძალებენ მასში თავის ცხოვრების ბატონ-პატრონად გამოიქცედათ. ეს მით უფრო მოსალოდნელი არის, რომ მუსულმანების წინ საკითხი ამ სახით დადგება: ან თვითმპყრობელი ოსმალეთი, ან დემოკრატიული ამიერ-კავკასია. თუ ჩვენ მუსულმან გლეხებს ვაგრძობინებთ ამ უკანასკნელ გზის მათთვის სარგებლიანობას — მაშინ თვით მუსულმანთა დემოკრატია აქტიურათ გამოვა ამიერ-კავკასიის მოლიანობის დამცველად. ეს კი მხოლოდ აგრარულ საკითხის საჩქაროთ გადაჭრას შეუძლია. აქ არის გლეხის სუსტი ადგილი და აქ, ამ საკითხში, იყრის თავს ყველა მისი სასიცოცხლო ინტერესები.

ანაირათ ამიერ-კავკასიის დამოუკიდებლობის გამოცხადებასთან მჭიდროთ არის გადასაბარებული ყველა პოლიტიკური და სოციალური ძაფები, იგი საკვირველანტინიანობებში არის გახვეული და მხოლოდ დიდ ენერჯიას და სწორს პოლიტიკას შეუძლია ჩამოაცილოს ამ ნაბიჯს მისი სუსტი და შეიძლება, ზოგიერთ შემთხვევაში, დამლუბველი მხარეები.

საერთაშორისო პოლიტიკის თვალსაზრისითაც რომ შეეხედეთ ამიერ-კავკასიის დამოუკიდებლობის საკითხს — იგი რეალურ ნიადაგს ეყრდნობა. ცნობილია, გერმანიის დამოუკიდებელ პოლონეთის სახით უნდოდა ერთგვარი კედელი აღმართა თავის და რუსეთის შუა. ამგვარივე ინტერესი აქვს ოსმალეთს. მიუხედავათ რუსეთის დანაწილების და გერმანიის მიერ დაპყრობისა — მოსალოდნელია მისი ფეხზე წამოდგომა და გაძლიერება; რუსეთი კი მუდამ მტერი იყო ოსმალეთისა, ეს უკანასკნელი მის იმპერიალისტურ მისწრაფებათა ობიექტს წარმოადგენდა. ასე რომ ოსმალეთისთვის ხელსაყრელია მის და რუსეთს შუა დამოუკიდებელი ამიერ-კავკასიის სახით ერთგვარი ბუფერი იყოს შექმნილი. ამ მოსაზრებით ოსმალეთი მხარს დაუჭერს, ჩვენის აზრით, ამიერ კავკასიის დამოუკიდე-

ბელ რესპუბლიკათ გამოცხადებას, თუ კი იგი ეხლანდელ გამარჯვებულ მდგომარეობით არ დაბრმავდა. ეს კი გაცილებით გაადვილებს ამ აქტის ცხოვრებაში გატარებას და მას საერთაშორისო ურთიერთობაში ერთგვარ სიმძიმეს მიუმატებს.

მაგრამ ყველაზე უფრო ეს საკითხი, მთელი თავისი სიგრძე-სიგანით აღებული, ჩვენ, მარქსისტებს ეკონომიური თვალსაზრისით უნდა გვანტერესებდეს. „უფლებების დანიშნულებაა, ამბობს შპრინგერი, უმთავრესათ მეურნეობა უზრუნველჰყოს, გაამაგროს და განავითაროს იგი; უფლებრივი ერთობა ეკონომიურ ერთობის ფორმალური გამოხატულება და მატერიალური გარანტია არის.“ (Шпрингеръ. Націон. проблема. გვ. 245). წარმოადგენს თუ არა ამიერ-კავკასია ერთს ეკონომიურ მთელს, შეუძლია თუ არა მას ეკონომიურათ დამოუკიდებლათ ცხოვრება — ამაშია უმთავრესი საკითხი, რადგან ბოლოს და ბოლოს ყველა არგუმენტს უმთავრესათ ამ შემთხვევაში აქვს მნიშვნელობა.

„რამდენადაც უფრო დიდი და ვრცელია ერთეული, ამბობს იგივე შპრინგერი, რამდენადაც სხვადასხვაგვარია ნაწილები, მით უფრო ადვილათ მოქმედობს და ვითარდება მთლიანობა, თუ კი ის მიზანშეწონილათ არის მოწყვსივებული“ (ibid. გვ. 246). ამ მხრივ კი ამიერ-კავკასია ცუდ პირობებში არის. ჯერ ერთი იგი მცირე ეკონომიური ერთეულია, ასე რომ, მიუხედავათ თავის მრავალფეროვნებისა, მაინც გაუშენდება ერთი ნაწილის ნაკლი მიზანშეწონილათ მეორე ნაწილის ღირსებებით შევსოს; აქედანს ამიერ-კავკასია თავის პურით კი არ იკვებებოდა, იგი უმთავრესათ შემოტანილ პურს ხარჯულობდა და ეს ასეც დარჩება. ეს მოვლენა კიდევ იმდენათ დამაფიქრებელი არ იქნება, რომ მეურნეობის სხვა დარგები იყვეს აქ განვითარებული. მართა-ნა შეიქმნება და ნავთის მრეწველობა ამ მხრივ დიდ პლიუსს წარმოადგენს, მაგრამ ეს მხოლოდ ორი ოაზისი არის მთელ ამიერ-კავკასიის მიწა-წყალზე, ასე რომ მათი განვითარება მთელი ერთეულის ეკონომიურ განვითარების დონეს არ გამოაჩნატებს.

ოტო ბაუერი თავის ზემოხსენებულ წიგნში მშვენივრათ აქვს გამოკვლევული მთელი სირთულე და სიძნელე წვრილ ეკონომიურ ერთეულის ცხოვრებისა. როგორც პროდუქტების წარმოების და შრომის ნაყოფიერების მხრივ, ისე კაპიტალის მოძრაობისათვისაც საჭიროა დიდი ეკონომიური ერთეული. პატარა ერთეულში უბრალო ადგილობრივი კრიზისი კი საერთო კრიზისათ უნდა გადაიქცეს, მაშინ როდესაც დიდ ეკონომიურ ერთეულში მისი გამანადგურებელი ძალა იკარგება და ქარწყლდება. პატარა ერთეული ამისთვის იძულებულია უმთავრესათ გაცლა-გამოცვლის რთულ ხვეულში ჩაებას და სხვა და სხვა ხელშეკრულება დასდვას სხვა სახელმწიფოებთან; ამ ხელშეკრულების შეკერის დროს კი წვრილი ერთეული სუსტია ეკონომიურათ, მისი შინაური მრეწველობა გაცილებით ნაკლებია მის სავარყო ვაჭრობაზე, აგრეთვე

სუსტია პოლიტიკურათ, მისი სახელმწიფოებრივი აპარატი ვერასოდეს ვერ იქნება ძლიერი; ეს მდგომარეობა კი მას საერთაშორისო ურთიერთობაში ცუდ პირობებში აყენებს. *) წერილ ეკონომიურ ერთეულის ამისთანა სუსტი მხარეების ჩამოთვლა კიდევ მრავლათ შეიძლება, მაგრამ მაგალითისათვის ესეც საკმარისი არის.

ცხადია ამიერ-კავკასიის, ეკონომიურათ დაქვეითებულს და ომისგან კიდევ უფრო განადგურებულს, მეტად ძნელ პირობებში მოუხდება დამოუკიდებლათ ცხოვრება. ჯერ-ჯერობით გადაჭრით არაფრის თქმა არ შეიძლება. იქნებ ამიერ-კავკასია ეკონომიურათ ისე განვითარდეს, ისე ინტენსიურათ ისარგებლოს თავისი ნივთიერი სიმდიდრე, რომ სხვა თავის ნაკლი გააჭარწყლოს. ამის ტენდენცია თითქოს უკვე სჩანს. მაგრამ მოსალოდნელია წინააღმდეგიც მოხდეს.

ასეა თუ ისე, მიუხედავთ ამ თვალსაზრისის პრინციპიალურ და სასოგადო მნიშვნელობისა, ამ ჟამათ, დღევანდელ პოლიტიკურ ნაშენებში, მას არ შეუძლია გადაძწყვეტი გავლენა ჰქონდეს ამიერ-კავკასიის დამოუკიდებლობის საკითხის გადაჭრაში. დღევანდელს ჩვენს ცხოვრებაში ძნელია ხანგრძლივ მოქმედების გეგმის წინასწარი გამომუშავება; ჩვენი აზროვნება სპორადიულია, იგი ნახტომებით ვითარდება. „ჩვენ როგორ ვიმსჯელებთ ლოდიკურათ, როცა ფაქტებში არ არის არავითარი ლოდიკა“—სთქვა ერთხელ აკ. ჩხენკელმა. და აი დღეს პოლიტიკურმა მომენტმა რევოლიუციის მიერ მოპოვებულ თავისუფლების უზრუნველსაყოფათ ამიერ-კავკასიის დამოუკიდებლობა დასვა დღის წესრიგში.

რა იქნება ხვალ, როცა ცხოვრება დაწყნარდება,—ამას აღარ ვკითხულობთ და არცა გვაქვს ამის გათვალისწინების შეძლება. იქნებ ჩვენ ფეხზე წამომდგარ რუსეთის დემოკრატიას მივცეთ ისევე ხელი; ყოველ შემთხვევაში ჩვენ გვინდა ეს დავიჯივროთ.

—ა.—ი.

*) იხ. Отте Бауэръ, Нац. вопросъ გვ. 184—9.

*
* *

1

აბა ვინ სთხოვა არა-მკითხველ მეჭირისუფლეს, კავკასიასაც რომ შეახო დამცემი ხელი? ჩვენს თავისუფალ მზე-სამშობლოს მტერი აუფლეს და შეურაცხვეს მებრძოლ გმირთა წმინდა სახელი... ძმობა-ერთობა სიყვარულის მქადაგებელი თვითმპყრობელ მეფეთ მოველინა რუსეთის ერებს... ცხოვრების გემის მხნე მესაჭე, მტერთა მზობელი ჯალათათ გვექცა... ზე ვეიმართებს კაენის სერებს... საშვილთაშვილოთ დამწელო, რაველ-ქცეული ძმათა უმანკო სისხლის ზღვაში სცურავს ქვეყანა... ცრემლში იხრჩვება სიხარული ძაძებ-ხეველი... თავისუფლება, პური, ზავი ეს არის განა?..

2

თქვენ კი, ერთგულნო, მოგიწოდებთ შემოკრბეთ ერთად, გამოესარჩლოთ ცრემლში მემინავ კაცობრიობას! შურის ძიება აღიაროთ სიმართლის ღმერთად,— ფოთა შეაკვეცოთ უგუნურთა თავ-გასულობას! იყო დრო როცა მეც ბევრსავით დაბრმავებული მათ დაპირებებს ზე-ქვეყნიურს თანაუგრძობობდი... ოცნების ზღვაში შეტობილო, გზა-აბნეული ერთგულ მებრძოლებს უარგყოფდი, ვეიცხავდი, ვგმობდი... დღეს კი ჩემს ღტოლვას გაფხიზლებულს, გასალკლდეგებულს ვერ აღუდგება წინ კლდე-ღრენი, სიმაგრე მტრისა! სანამ არ მნახავთ მეკრდ-გაფლეთილს, გაგულციგებულს,— ვიქექ-ვიგრგვინებ, ვიქუხილებ ვით რისხვა ცისა! თქვენც, მეომარნო, თან მომიყვით! შემფიცეთ ძმობა! შეურაცხყოფილთ ბრძოლა გვმართებს! შეგმუსროთ მტრები! დღეს საფრთხეშია ჩვენი სატრფო თანასწორობა,— მისთვის დავეცეთ სწორ-უმოვარ ბრძოლაში მკედრები!

გენო.

ქალთა კითხვის შესახებ.

იმ საკითხს, რომელსაც გვინდა ჩვენ აქ შევეხოთ, შეიძლება დღეს ერთგვარი პრაქტიკული მნიშვნელობაც ჰქონდეს, ვინაიდან ეს დიდი რევოლიუცია თავისი შინაგანი ძლიერებისა და საბოლოო მიზნებით, მოწოდებულია სხვა მრავალ საკითხებთან ერთად, ეს კითხვაც დადებითად გადასჭრას. შეიძლება იკითხოთ: დემოკრატიული რევოლიუცია აღარ არსებობს, როგორც ასეთი, იგი თითქმის დამარცხებულია და მან რა კითხვები უნდა გადასჭრასო? მაგრამ ჩვენ ამ შემთხვევაში უნდა დავემყაროთ ისტორიულ აუცილებლობის კანონს და ვსთქვათ, რომ ის, რაც აუცილებელი მოვლენაა—აუცილებლათვე იქნება ცხოვრებაში გატარებული, მიუხედავთ ათასგვა-

რი დროებითი დაბრკოლებისა. ამ რევოლუციონურმა მოძრაობამ წამოაყენა განსაზღვრული კითხვები, გამომდინარე იბიექტიური რეალობისაგან და მასვე დაუუძნებელი, და იგინიც, ძირითადი კითხვები დემოკრატიული რესპუბლიკის, **აღრე თუ გვიან** აუცილებლივ იქნებოდა სინამდვილეთი კტეულნი, იმის და მიუხედავათ რომ დღეს რევოლუციონური ჰორიზონტი მოგრაგნულია შავი დიუბლებით. ვიმეორებ: ის იდეები, რომელიც ეკონომიკურმა მსვლელობამ, საწარმოო ძალთა მდგომარეობამ და შათმა მიხან შეწონილმა განვითარებამ დასვა დღიურ წესრიგში, დღეს თუ არა ხვალე მინც უნდა იყენენ განხორციელებული ცხოვრებაში. და აი ამისთანა კარდინალურ კითხვათა რიცხეს ისიც ეკუთვნის, რომლის შესახებ უნდა მოგახსენოთ. ამ რევოლუციამ ქალთა კითხვაც უნდა გადასჭრას, რასაკვირველია იმდენად, რამდენადაც ეს შესაძლებელი იქნება ბურჟუაზიული საზოგადოებაში, რადგანაც ეს კითხვა **მთლიათ და სავსებით** ვერ ვადიჭრება მანამდე, ვიდრე ძირიანათ არ იქნება შეცვლილი წესი საზოგადოებრივი წარმოებისა, ე. ი. ვიდრე კაპიტალიზმს სოციალიზმი არ შესცვლის.

ჰო და, საკითხავია: რა არის ეს **ქალთა კითხვა**, როგორია მისი შინაარსი, რანაირათ უნდა გვესმოდეს ჩვენ ის?

ქალთა საკითხი, როგორც ასეთი, შედარებით უფრო ახალი კითხვაა, მან ვაცილებით გვიან მოიპოვა მიაქალაქობრივი უფლება. ეს კითხვა გაბოწვეულია იმ წინააღმდეგობით, რომელიც არსებობს ერთის მხრივ ქალთა ეკონომიურის და მეორეს მხრივ მათ უფლებრივ მდგომარეობის ურთიერთობაში. იგი წარმოიშვა როგორც კონფლიქტი ქალთა თანამედროვე უფლებებო მდგომარეობასა და მათ შეგნებას შორის, რომ ყველაფერში, ცხოვრების ყოველ დარგში იყენენ გათანასწორობულნი მანრობით სქესთან. ბებელის თქმით, ეს საკითხი ეხება იმას, თუ რა ადგილი უნდა დაიჭიროს დედაკაცმა ჩვენ სოციალურ ორგანიზმში, რა გზით შეუძლიან მას ყოველ მხრივ განავითაროს თავის ნიჭი და ძალები, რომ საზოგადოების სრულ უფლებიანი, თანასწორი და შეძლების და გვართ აქტიური წევრი გახდეს. ეს კითხვა, ნათლად რომ ესთვეათ, ბოლოს და ბოლოს არის კითხვა ლუკმა პურის შესახებ. მისი ფესვები ღრმათ ჩამარხულია ეკონომიკაში.

რატომ მინც და მინც ამ უქანსკენლ ხანებში დაისვა ასე მწვავეთ ეს კითხვა? ხომ იყენენ ქალები ძველად, წინეთაც; ხომ ისეთსავე უფლებებობას, ჩავგრას და დამონებას განიცდიდენ ისინი მამაკაცისა და საზოგადოებისაგან, როგორც ამ ეჟამად? რა არის ამის მთავარი მიზეზი? ამის მიზეზია ეკონომიური განვითარება, საზოგადოებრივი ფორმების რადიკალური ცვლილება, ძველთან შედარებით.

გარდა იმ ხანისა, რომელსაც მატრიარქატი, დედამთავრული პერიოდი ეწოდება, როდესაც ცხოვრების ყველა მთავარ დარგში დედაკაცი იყო უპირატესობაში, ის-

ტორიის შემდგომ განვითარების დროს, კერძო საკუთრების განმტკიცებისთანავე მდებრიობითა სქესმა დედაკაცმა ქვემდებარე ადგილი და ამ ხნიდან იგი ყოველ მხრივად დაეძონა და დამოკრილა მამაკაცი. ამ ხნიდან იგი შეიქნა ექსპლოატაციის შეგნებულ, ცოცხალ ობიექტათ. მას შემდეგ რაც კერძო საკუთრებამ ფეხი მოიკიდა ადამიანთა ცხოვრებაში, ქალთა მდგომარეობა ისეთივე იყო მუდამ, როგორიც მშრომელი კლასისა. კიდევ მეტი, ზოგიერთ პირობებში ისტორიის განვითარების სხვა და სხვა სტადიაში და სხვა და სხვა დროს, ქალთა სოციალური მდგომარეობა უფრო დაბეჩავებული, დაქვეითებული იყო, ვიდრე გაყველფელთა კლასისა საერთოდ. ამ მხრივ მდებრიობითი სქესი შეიძლება ჩაითვალოს მეხუთე წოდებათ, რომელიც ყველაზე ბეტად განიცდიდა და განიცდის ეხლაც ექსპლოატაციას, როგორც ეკონომიურის უმთავრესათ, ისე იურიდიული და პოლიტიკურის მხრივ.

ძველ ხანაში ისევე, როგორც საშუალო საუკუნოებში ქალთა ასეთი უმწეო და დამოკიდებული მდგომარეობა გაბოწვეული იყო იმდროინდელი ეკონომიური, საწარმოო ძალთა ურთიერთობის ზეგავლენით. ეს ურთიერთობა ისეთი იყო, რომელიც მაშინდელ შეხედულებას დედაკაცზე ამართლებდა და ხდიდა ამ შეხედულებას „მუდმივ ხნობრივთა, უცვლელათ“. ოჯახის საგარეო ფუნქციებს მამაკაცი ასრულებდა, დედაკაცი კი მოვალე იყო სახლში კარჩაკეტილს ეწარმოებია ოჯახური მეთურხეობა. დედაკაცი ზის იყო და ასრულებდა ყოველგვარ მინაურ საქმეს, მამაკაცი იცავდა ოჯახს და ზრუნავდა მის ეკონომიურ კეთილდღეობაზე. როდესაც მამაკაცი ბევრს საქმელს იმოწინებდა, იგი თავისუფალი იყო და ისვენებდა, დედაკაცი კი მოვალე იყო მუდამ შრომა გაეწია ოჯახში, მოველო ქმარ-შვილებისთვის და სხვა. როგორც იმ დროში იტოლდენ მამაკაცისათვის მთელი ქვეყნიერობა იყო სახლ-კარი, დედაკაცისთვის კი სახლ-კარი—მთელი ქვეყნიერობა“. აქედან წარმოსდგა მამაკაცის ბატონობა დედაკაცზე. ამიტომ იყო, რომ იმ დროინდელ ხნობაში ბატონობდა ის შეხედულობა (და ეხლაც ბატონობს ისევე), რომ დედაკაცი მხოლოდ უნდა იყეს „კარგი, სათხოიანი დიასახლისი“, მორჩილი და მოხა მამაკაცისა. ეს შეადგენდა მის კომპეტენციას და ესვე იყო მისი უდიდესი ღირსება იმ დროში.

მაგრამ დედაკაცის როლიც საზოგადოებრივ წარმოებაში თანდათან იცვლება. კაპიტალიზმი თან და თან განვითარდა, გადალახა და მოსპო ყოველგვარი ძველი ტრადიციები, და მიაღწია განვითარების უმაღლეს წერტილს მე-XIX-ტე საუკუნეში. და ძირიანათვე შეიცვალა დედაკაცის მნიშვნელობა წარმოებაში, მაგრამ მისი სოციალური მდგომარეობა კი თითქმის ძველი დარჩა. აი სწორედ აქა დასაბამი ვემინისტური მოძრაობის, აქედანვე წარმოიშვა ეგრედ წოდებული „ქალთა კითხვა“. ქალები თანდათან მოსცილდენ იმ ვიწრო წრეს, რომელსაც ოჯახი ეწოდება, კაპიტალიზმი არღვევს ძველ ოჯახურ ურთიერთობას დე მე-XIX-ე საუკუნის განსაჯლობა-

ში ღედაკაცი თითქმის გვერდში ამოუღდა მამაკაცს საზოგადოებრივ საქმეებში და განსაკუთრებით სამუშაო ბაზარზე, სამრეწველო, ინდუსტრიალურ დარგებში.

განსაკუთრებით მუშა-ქალთა როლი მთლათ შეიცვალა საზოგადოებრივ წარმოებაში. იმას, რაც წინათ იქმნებოდა მისი შრომით თავის კერძო მოთხოვნილებებისათვის, ესლა, კაპიტალიზმის აყვავების დროს, როდესაც ქალის ჩიება ამ მუშაობაში, მიეცა წმინდა საზოგადოებრივი სარგებლობის ხასიათი. ეკონომიური განვითარების, ისტორიული აუცილებლობის ზეგავლენით ღედაკაცი მამაკაცთან ერთად მანქანას ამოუღდა. ამიტომ ბოლოს და ბოლოს „ქალთა კითხვა, ისევე როგორც მუშათა კითხვა—პირმშო შვილია იმ წარმოების, რომელიც აყვავდა ორთქლისა და ელექტრონის მექანიკურ ძალთა ზეგავლენით. ეს არის არა პოლიტიკური ან და მორალური კითხვა (თუმცა შიგ ურევია პოლიტიკური და ზნეობრივი ელემენტებიც), არამედ კითხვა—ეკონომიური“.*).

ღედაკაცი გამოვიდა თანამედროვე ცხოვრებაში, როგორც დამოუკიდებელი ერთეული და აქედანვე წარმოსდგა მისი ბრძოლა სხვა და სხვა გვარ თავისუფლებისათვის. თუ წინეთ ქალი ეკონომიურათ დამოკიდებული იყო მამაკაცზე, ესლა მათი საკმაო რიცხვი თვითონ იკმაყოფილებს თავის მოთხოვნილებებს. ქვემო მოყვანილი ციფრები მოწმობენ იმას, თუ რამდენი % ორივე სქესისა მთელ მცხოვრებთა რიცხვთან შედარებით, იკმაყოფილებს თავის ხელფასით საკუთარ მოთხოვნილებებს:

ავსტრიაში—ქალები	47%	—	მამაკაცები	63%
იტალიაში	40%	—	„	66%
საფრანგეთში	27%	—	„	57%
ინგლისში	27%	—	„	62%

დაახლოებით ასეთივე პროპორციაა სხვა ქვეყნებშიც.**) ასეთივე მდგომარეობაა, როცა საკითხი ეხება იმას, თუ რამდენი მუშა ხელია ჩაბმული საერთოდ საქარბნოწარმოებაში. მაგრამ ამის და მიუხედავთ ქალის უფლებები შეზღუდულია და ის იურიდიულათ დამოკიდებულია ისევ მამაკაცზე. ამ ნიადაგზე აღმოცენდა ქალთა განმანთავისუფლებელი მოძრაობა. ამ მოძრაობას დღეს ორგვარი ხასიათი აქვს: არის მოძრაობა ბურჟუაზიულ-ლიბერალური ხასიათის, გაბატონებული კლასის ქალთა მოძრაობა და არის მოძრაობა პროლეტარი ქალების. ბურჟუაზიულ-ლიბერალურ მოძრაობას სარჩულათ უდევს მისწრაფება მამაკაცთან უფლებბრევით და პოლიტიკურათ გათანასწორებისაკენ, რომლითაც მათ ექნებათ საშუალება გამოიჩინონ თავის უნარი მამაკაცებთან ერთად, როგორც სახელმწიფო სამსახურში, ისე გონებრივ თუ სხვა სფეროებში. წვრილ-ბურჟუაზიული კლასის ქა-

ლები კი თუ ემბრობიან ფემინისტურ მოძრაობას მხოლოდ იმდენათ, რამდენათაც მათაც ეძლევათ საშუალება შევიდნენ ამა თუ იმ წვრილ სამსახურში, რომ თავი იჩინონ, რადგანაც კაპიტალიზმი არღვეს მათი კლასის ეკონომიურ კეთილდღეობას. საერთოდ კი „პოლიტიკური უფლებანი, საარჩევნო უფლებანი, დებუტატთა სავარძლები—აი ნამდვილი მიზანი ბურჟუაზიული კლასის ქალთა მოძრაობისა.“*) ამ ხასიათის მოძრაობა არ სცილდება არსებულ საზოგადოებრივ ურთიერთობის საზღვრებს და კმაყოფილდება არსებულ წესწყობილების ფარგლებში ემანსიპაციით.

სულ სხვა ხასიათის არის მუშა-ქალთა მოძრაობა და ამ საკითხის სწორედ ეს მხარე გვაინტერესებს ჩვენ. როგორც ბებელი ამბობს, „ჩვენი შეხედულებით ამ საკითხს მჭიდრო კავშირი აქვს იმ საკითხთან, თუ როგორი ფორმა და ორგანიზაცია უნდა მიიღოს საზოგადოებრივმა ცხოვრებამ, რომ მოისპოს ჩაგვრა, ექსპლუატაცია, გაჭირვება, სიღარიბე და მათ მაგიერ კერძო პიროვნების და მთელი საზოგადოების ფიზიკური და სოციალური სისალე გაბატონდეს. ასე რომ ქალთა კითხვა წარმოადგენს ერთ მხარეს საერთო სოციალურ საკითხისას, რომელსაც მთელი საზოგადოების ყურადღება უზყრია და დიდ აზრთა მოძრაობას იწვევს. ამიტომ მისი საბოლოოდ გადაწყვეტა შეიძლება მხოლოდ მაშინ, როდესაც მოისპობა საზოგადოებრივი წინააღმდეგობანი და აქედან წარმოშობილი ბოროტება.“**)

პროლეტარ ქალთა მოძრაობა მჭიდროთ დაკავშირებულია მთელი პროლეტარიატის მოძრაობასთან. პროლეტარიატის სრული გამარჯვება ამავე დროს არის ქალთა კითხვის რადიკალური გადაჭრაც. ამიტომ მუშა ქალები შედიან ერთ ორგანიზაციაში მუშა-მამაკაცებთან და არა ფემინისტ-ბურჟუაზიული კლასის ქალების ორგანიზაციაში, მიუხედავად იმისა რომ ეს უკანასკნელი მოუწოდებენ ყველა ქალს, განურჩევლათ სოციალური მდგომარეობისა, შეერთებისაკენ, ერთად საბრძოლველად „საერთო მიზნების“ ცხოვრებაში განსახორციელებლად. ამის შესახებ ქალთა გოტის კონფერენციის დადგენილებაში ნათლად და გარკვევით შემდეგია ნათქვამი: „იღებს რა კლასიურ ბრძოლაში მონაწილეობას, მუშა-ქალი ისევე საქიროებს უფლებბრევით და პოლიტიკურათ გათანასწორებას მამაკაცთან, როგორც ბურჟუაზიული წრეების და ბურჟუაზიული ინტელიგენციის ქალები. მაგრამ მიუხედავთ ერთობისა ამ უფლებბრივ და პოლიტიკურ რევოლუციების საქიროებაში, მუშა-ქალს უმთავრეს თავის მოთხოვნილებაში—ეკონომიურში—არაფერი საერთო არა აქვს სხვა კლასის ქალებთან. ამიტომ მუშა-ქალის სრული განთავისუფლების საქმე არ არის ყველა კლასის ქალთა საქმე. ეს მიზანი განხორციელდება მხოლოდ პროლეტარია-

*) იხ. Клара Цеткинъ „Женщина и ея эконом. полож.“.

**) იხ. Проф. Пирсторфъ „Женский трудъ и женскій вопросъ“.

*) იხ. А. Коллонтай „Соц. основы женскаго вопроса“.

**) А. Бебель „Женщина и социализм“.

ტის მიერ, განურჩევლათ სქესობრივი განსხვავებისა.*) ამიტომ მუშა-ქალთა მოძრაობა ბოლოს და ბოლოს არის მთელი პროლეტარიატის განმანათავისუფლებელი მოძრაობა.

რამდენათაც მეტ პოზიციებს იპყრობს პროლეტარიატი თავის საბოლოო მიზნისთვის ბრძოლაში, იმდენადვე ახლოვდება სრული ემანსიპაცია ქალებისა. 1848 წლიდან მოყოლებული, „კომუნისტური მანიფესტის“ გამოცემისთანავე, სოციალ-დემოკრატიამ მუდამ დარაჯობა ელგა ქალთა და მუშათა ინტერესებს და მუდამ იცავდა მათ. „ამ პარტიამ ნათლად გაარკვია ის კავშირი, რომელიც არსებობს საერთო პროლეტარულ პრობლემასა და თანამედროვე ქალთა საკითხს შორის. ს.-დემოკრატიამ იმ თავითვე აღნიშნა, რომ კაპიტალიზმი ქალსაც ითრევს წარმოებაში და ხდის მას მონაწილეთ იმ დიად ბრძოლას, რომელიც სწარმოებს მუშათა კლასის სახით ჩაგვრისა და ექსპლოატაციის წინააღმდეგ.“**) ამიტომაც პროლეტარული პარტია თავის პროგრამით, სიტყვით, წერით და საქმით მუდამ მდგრათ იცავდა ქალთა თანასწორობის პრინციპს.

მუშა-ქალები თავის დღეში არ უნდა დაუპირდაპირდნენ მუშა-კაცებს, არამედ პირ-იქით დიარაზმონ ერთად, ერთ ორგანიზაციაში, რადგანაც ამას მოითხოვს მათი კლასიური შეგნება და ინტერესთა სოლიდარობა, და ასე აწარმოვონ კლასიური ბრძოლა კლასიური საზოგადოების აღმოსაფხვრელათ. მხოლოდ მაშინ, როდესაც ეს იქნება განხორციელებული, მოისპობა მამაკაცის მიერ დედაკაცის დამონებაც.

მანამდე კი, ამ სრულ განთავისუფლებამდე, საჭიროა ბრძოლა პროლეტარიატთან ერთად ცხოვრებაში აუცილებელი იმის გასატარებლათ, რაც აღიარებულია ჩვენ პროგრამა-მინიმუმში, როგორც მავალითად, პოლიტიკური და უფლებრივი ემანსიპაცია, ფართო სოციალური კანონმდებლობა და სხვა. რაც შეეხება ქალთა კითხვის საბოლოო გადაჭრას,—ეს, ვიმეორებთ, შესაძლებელია მხოლოდ სოციალიზმის სამეფოში და ამ მომავალ საზოგადოებისათვის საბრძოლველათ მოუწოდებთ ჩვენ მუშა-ქალებს. ქალები დღეს ყველაზე კონსერვატიული ელემენტია საზოგადოთ, პროლეტარმა ქალებმა უნდა უკუაგდონ ეს კონსერვატიზმი და შეუერთდნენ მოწინავე მუშათა მოძრაობას. „მომავალი ეკუთვნის სოციალიზმს, ე. ი. უპირველესად ყოვლისა მუშას და დედაკაცს“—დავათავებდით ჩვენც ბებელის დიდებული სიტყვებით.

არ. მექნარიშვილი.

სადღეისო შენიშვნები.

II

ჩვენი დროის უტოპისტები.

მარქსიზმის სიძლიერე, მისი მთავარი ღირსება მდგომარეობს იმაში, რომ მას, როგორც სოციალურ-ეკონომიურ მოძღვრებას, საფუძვლათ უდევს ისტორიული მატერიალიზმი. იგი ეყრდნობა იმ ობიექტიურ, ადამიანის სურვილების გარეშე მოქმედ კანონებს, რომელიც ამოძრავებდა ისტორიას წარსულში, რომელიც განსაზღვრავს თანამედროვე კაპიტალისტურ საზოგადოებაში არსებულ ურთიერთობას. სოციალიზმის აუცილებლობის დასაბუთებაში სურვილებს, წინასწარ აღებულ აზრს ადგილი არა აქვს. ისტორიის მატერიალისტურათ ახსნამ, ერთი საზოგადოებრივ წყობილების მეორე საზოგადოებრივ წყობილებათ შეცვლის მიზეზთა შესწავლამ კ. მარქსი მიიყვანა იმ დასკვნამდე, რომ კაპიტალისტურ საზოგადოებას აუცილებლათ მოყვება საზოგადოება სოციალისტური. კ. მარქსს რომ სხვა გვარი დასკვნა მიეღო, ვთქვათ აღმოეჩინა, რომ სოციალიზმის განხორციელების აუცილებლობა არ გამომდინარეობს თვით ცხოვრების მსვლელობიდან, ცხადია იგი ვერ გახდებოდა სოციალისტი, სანამ მატერიალისტათ დარჩებოდა. მაშასადამე, სოციალიზმი, როგორც საზოგადოებრივი წყობილება, არ იყო მარქსისათვის წინასწარ აღებული ან კაბინეტში შემუშავებული იდეა. და ამაშია სწორეთ მარქსიზმის სიმტიცე, მისი ცხოველყოფილობა.

მარქსიზმის შინაარსიდან გამომდინარეობს, რომ სოციალიზმის განხორციელება შესაძლებელია მხოლოდ მაშინ, როცა არსებობს ამისთვის საჭირო ობიექტიური და მასზე აღმოცენებული სუბიექტიური პირობები. ეს დებულება დღეს საკმაოთ განმტკიცებულია, თვით იდეალისტურ ფილოსოფიის მიმდევრებიც ქედს იხრიან მის წინაშე, ვინაიდან კარგად ხედავენ, რომ დღევანდელი წყობილების შეცვლა მარტო სურვილებით არ შეიძლება. მარქსამდე კი უცნობი იყო ეს შეხედულება. მე-XIX-ე საუკუნის დასაწყისის სოციალისტებისათვის საკმარისი იყო დამტკიცებიათ სოციალიზმის უპირატესობა კაპიტალიზმის წინაშე, რომ დაუყონებლივ შესდგომოდნენ სოციალიზმის განხორციელებას. მათ არ აინტერესებდა საკითხი, არსებობდა თუ

*) Лили Браунъ „Женскій вопросъ“.
**) А. Коллонтай „Соц. основы женскаго вопроса“.

არა ამისთვის საჭირო ობიექტიური პირობები, უზრუნველყოფდა თუ არა მათი მიზნის განხორციელებას საწარმოვო ძალთა განვითარება. ამ სოციალისტებს კ. მარქსმა უტოპისტები უწოდა, მათი მიზანი უტოპიურათ აღიარა, ვინაიდან იგი ეყრდნობოდა მხოლოდ კეთილ სურვილებს და არავითარი რეალური საფუძველი სინამდვილეში მას არ ჰქონდა. ჩვენთვის, მეცნიერულ სოციალიზმის მიმდევართათვის ცხადია დღეს, თუ რა ნაყოფი უნდა გამოეღო ხსენებულ სოციალისტთა მოქმედებას. ჩვენ ვიცით, რომ ისინი სასტიკათ დამარცხდნენ, სინამდვილე სურვილებზე უფრო ძლიერი აღმოჩნდა და დაასამარა მათი ილიუზიები.

უტოპისტ სოციალისტებმა სოციალიზმი ვერ განახორციელეს. ვერ განახორციელეს იგი ვერც საფრანგეთის ანარქო-ბლანკისტებმა, რომლებმაც დიდი ენებაც კი მოუტანეს მუშათა კლასს, როცა მოისურვებს მის თავზე უდროვით სოციალიზმის მოხვევა.

ჩვენ ვითვალისწინებდით ისტორიის ამ გაკვეთილებს და არ გვინდოდა გაგვემეორებია წარსული შეცდომები. ამიტომ მტკიცეთ ვადექით და დღესაც ვადვივართ იმ შეხედულებას, რომ სოციალიზმის განხორციელებისათვის საჭიროა არსებობდეს შესაფერი ობიექტიური და სუბიექტიური პირობები. ჩვენი დანიშნულებაა ხელი შეუწყუთ ამ პირობების შექმნას და მით დავაჩქაროთ საბოლოო მიზნის მიღწევა. სანამ ეს პირობები არ შექმნილა, სანამ ქვეყნის საწარმოვო ძალები ჯერ კიდევ საკმაოდ არ განვითარებულა, სოციალიზმის დამყარებაზე ოცნება ოცნებათვე დარჩება. და თუ ჩვენ ამ ოცნების განსახორციელებლათ გადავდგამთ პრაქტიკულ ნაბიჯებს, ამით დიდ ზიანს მოუტანთ თვით მუშათა კლასს და შევეფერებთ სოციალიზმის საქმეს.

მაგრამ ასე არ მსჯელობენ ჩვენი დროის უტოპისტები—ბალშევიკები, რომლებიც, რაღაც გაუგებრობის გამო დღესაც მარქსისტებს უწოდებენ თავის თავს. დაიწყო რევოლიუცია თუ არა, იგი მათ სოციალისტურათ გამოაცხადეს და ყოველ საკითხის გადაჭრას, ყოველ საზოგადოებრივ მოვლენას ამ თვალსაზრისით უდგებოდნენ. არ არის საჭირო აქ მოვიყვანოთ სტატისტიკური ცნობები იმის დასამტკიცებლათ, თუ რამდენათ ჩამორჩენილია დღეს რუსეთი ეკონომიურათ, კულტურულათ,

ერთი სიტყვით ყოველ მხრივ დასავლეთ ევროპის ქვეყნებთან შედარებით. ეს დღეს ყველასათვის აშკარაა, ამას ხედავენ თვით ბალშევიკები. აქედან ცხადია, შესაძლოა მხოლოდ ერთად ერთი დასკვნის გამოტანა: როცა დაწინაურებულ ქვეყნებში ჯერ კიდევ კაპიტალიზმი მძვინვარებს, უკან ჩამორჩენილ რუსეთში სოციალიზმის განხორციელება ყოველათ შეუძლებელია.

რევოლიუციის დაწყებამდე ბალშევიკები ჩვენთან ერთად იბრძოდნენ თვითმპყრობელობის დასამხობათ. თვითმპყრობელობა კი პოლიტიკური გამოხატულებაა ფეოდალურ ან ნახევრათ ფეოდალურ წყობილებისა ეკონომიკაში. ცხადია, რუსეთის რევოლიუციის დანიშნულება უნდა ყოფილიყო ფეოდალიზმის ნანგრევებზე ბურჟუაზიულ წყობილების განმტკიცება და დემოკრატიზმის გამეფება პოლიტიკაში. ასეთია მარქსისტული შეხედულება, ასე ესმოდა წინათ ეს ბალშევიკებსაც და ამიტომ ჩვენთან ერთად იცავდნენ მესამე ყრილობაზე მიღებულ პროგრამას, რომლის მინიმუმი განსაზღვრავს სწორეთ დღევანდელ რევოლიუციის მიზანს. კ. კაუტსკი, გამოჩენილი თეორეტიკოსი მარქსიზმისა, აშკარათ და გარკვევით ამბობს, რომ დღევანდელი რუსეთის რევოლიუცია მიმართულია თვითმპყრობელობის წინააღმდეგ.*).

მაგრამ ნ. ლენინი და მისი მიმდევარნი აბა რას დავიდევნ მარქსიზმს, ისინი, როგორც ვიცით, ცდას ახდენენ. მათ უნდათ აქ დაიწყონ სოციალისტური რევოლიუცია და ამით სოციალისტურ რევოლიუციის ცეცხლის აღში გახვიონ ევროპის სხვა ქვეყნებიც. ბალშევიკებმა ჩვენს რევოლიუციას, რომელიც ერთბაშად განსაკუთრებულ და საბედისწერო პირობებში მოხდა და რომლის გამარჯვებისათვის მეტათ დიდი სიფხიზლე და ენერჯია იყო საჭირო, თავს მოახვიეს სოციალიზმის განხორციელება, მიუხედავათ იმისა, რომ ამისათვის საჭირო ობიექტიური და სუბიექტიური პირობები რუსეთში საუბედუროთ ჯერ კიდევ არ არსებობს. ცხადია, ბალშევიკების განზრახვას არავითარი რეალური საფუძველი არა აქვს, იგი არ გამოამდინარეობს სინამდვილიდან, საწარმოვო ძალთა განვითარებიდან. მათ სურთ, მათ უნდათ მხოლოდ განახორციელონ თავის მიზანი, და როცა ასეთ სახიფათო, მოლი-

*) იხ. К. Каутский. „Старая и новая революция“.

ზულ გზას დაადგენ ბალშევიკები, როცა მათ თავის სურვილს დაუქვემდებარეს საზოგადოებრივ ურთიერთობის, ეკონომიურ წყობილების შეცვლა, — ცხადია ამით უკვე გასწვრიტეს საქმით კავშირი მარქსიზმთან, რომელიც არავითარ როლს არ აკუთვნებს საზოგადოებრივ ცხოვრებაში სურვილებს. ამ მოვლენას ფორმალური გამოხატულებაც უნდა მისცემოდა. ბალშევიკებს უარი უნდა ეთქვათ ჩვენს საერთო სოციალ-დემოკრატიულ პროგრამაზე, უარი უნდა ეთქვათ მარქსისტობაზე, მაგრამ ამისთვის საჭირო გამბედაობა მათ არ აღმოაჩნდათ. მხოლოდ მათმა ლიდერმა ნ. ლენინმა გაბედა ამის აღიარება და რუსეთში ჩამოსვლისთანავე ძირმომხალი უწოდა სოციალ-დემოკრატიულ პროგრამას და მოითხოვა მისი შეცვლა. მანვე ერთ-ერთ კრებაზე სთქვა, შეიძლება ხუთასი წლის განმავლობაშიც არ გახდეს რუსეთში ძუშათა კლასი უმრავლესობა და ნუ თუ მანამდე სოციალიზმი არ უნდა განხორციელდესო.

ამნაირათ ღრევიანდელი რევოლიუციის დანიშნულებისა და მიზნების განსაზღვრის დროს ბალშევიკები ხელმძღვანელობენ მხოლოდ სურვილებით. რევოლიუციის მიერ წამოყენებულ ყველა კითხვების გადაჭრასაც ისინი თავის სურვილებს უდებენ საფუძვლათ და არავითარ ანგარიშს არ უწევენ რეალურ ძალთა განწყობილებას. და ჩვენ კარგათ ვიცით თუ რითი თავდება მოქმედება, რომელიც მხოლოდ სურვილებიდან გამომდინარეობს. და თავიდანვე ვამბობდით, რომ ჩვენი დროის უტოპისტების ცდა დამარცხებით დათავდებოდა. ეს ასეც მოხდა. მეოთხე თვეა ბალშევიკები სათავეში უდგანან სახელმწიფოს, მეოთხე თვეა ისინი ახდენენ სოციალისტურ ექსპერიმენტებს, სცემენ შესაფერ დეკრეტებს, მაგრამ სოციალისტურ წყობილების ნიშნებიც ვერ მოგვეცეს, პირიქით ეკონომიური და პოლიტიკური ცხოვრება კიდევ უფრო არივ-დარივს და ქვეყანა დაღუპვის კარამდე მიიყვანეს.

ყოველივე ამის გასათვალისწინებლათ არ იყო საჭირო მარქსისტობა, მეცნიერული სოციალიზმის აღიარება, საკმაო იყო მხოლოდ საღი გონების მობარჯევა, მომხდარ ამბებში ობიექტიურათ გარკვევა. მაგრამ ხანგრძლივი ომით განაწამები, განადგურების კარამდე მისული მასსა გაიტაცა ლამაზ, მომხიბვლელ ლოზუნგებმა და ამ გარემოებამ მიანიჭა გამარჯვება ამ ლოზუნგების მალიარებელ ბალშევიკებს. სჩანს არ იყო საკმარისი წარსულის მწა-

რე გაკვეთილები, საჭირო იყო აღბათ რუსეთი ისედაც დაავადებული, სავსებით დაფლეთილიყო, მოძმეთა შორის ბრძოლაში დაღვრილ სისხლის ნაკადულები ცრემლთა გუბებებს შეერთებოდა, საჭირო იყო აღბათ საკუთარ კულტურის, საკუთარ ქონების საკუთარ ხელით განადგურება და დაუძლეურებული, სისხლისაგან დაკლილი რუსეთის გარეშე მტრის წინაშე დანარცხება — რომ მასსა გამორკვეულიყო და დაენახა თუ საით მიყავდა იგი ჩვენი დროის უტოპისტებს. და ეს გამოფხიზლება დღეს უკვე დაიწყო. მუშათა კლასი, მშრომელი მასსა თანდათან შორდება ბალშევიკებს. ეს ნათლათ დავგანახვა იმ ცვლილებაში, რომელიც მოხდა პეტროგრადისა და სხვა ცენტრების მუშებში დამფუძნებელ კრების გარეკისა და მშვიდობიან მანიფესტანტების დახვერტის შემდეგ. ამ პროცესს, თქმა არ უნდა, უფრო დააჩქარებს ბალშევიკების მიერ სამარცხვინო ზავის ჩამოგდება. ეს ასეც უნდა მომხდარიყო. მაგრამ მე-XIX-ე საუკუნის უტოპისტებს თუ დიდი ზიანი არ მოუტანიათ მუშათა კლასისათვის, რომელიც მაშინ არც კი იყო ჩამოყალიბებული, სამაგიეროთ ეს არ შეიძლება ითქვას ჩვენი დროის უტოპისტებზე, მათ საშინელ ავანტიურაში ჩაითრიეს მუშათა კლასი. მშრომელ მასსს სწამდა მათი დაპირება, მშრომელი მასსა მოელოდა ხსნას, ვინაიდან მას პირდებოდენ სოციალიზმის განხორციელებას. და ბალშევიკების დამარცხებასთან ერთად შესაძლებელია ამ მასსის თვალში გაკოტრდეს კიდევ თვით სოციალიზმის იდეა. ჩვენი დროის უტოპისტების მოქმედებამ მუშათა კლასი ფიზიკურ განადგურებანდე მიიყვანა. ეს ცოტაა. შესაძლებელია მასსა სავსებით ჩამოშორდეს სოციალიზმს, ამის ნიშნები უკვე სჩანს. ეს გარემოება დიდ მოვალეობას აკისრებს ჩვენს პარტიას. მან უნდა ეცადოს გამოიჩინოს იმდენი უნარი და ტაქტი, რომ ბალშევიკებზე ჩამოშორებული მასსა არ გადაბარგდეს რეაქციონერების ბანაკში, რომ ისინი კვლავ დაუბრუნოთ რევოლიუციის და დავრახმოთ სოციალიზმის დროშის ქვეშ. იმდენათ უფრო შესაძლებელი გახდება ეს, რამდენათ უფრო ადრე დაამარცხებს ცხოვრება ჩვენი დროის უტოპისტებს.

ვ. ნიკურაძე.

კოოპერაცია და ქართველი ს.-ფედერალისტები.

VI.

საწარმოო კოოპერატივთა ბედი: (მათი გადაგვარება; მოკლე ისტორიული მიმოხილვა).

წინა წერილში ჩვენ განვიხილეთ ის მთავარი დაბრკოლებანი, რომელნიც წინ ელოდებიან საწარმოო კოოპერატივთა ზრდა განვითარებას. ახლა დაუშვათ, რომ რომელიმე კოოპერატივმა ყველა ზემოაღნიშნული დაბრკოლებანი გადალახა. ვთქვათ, მას უკვე დიდძალი თანხა აქვს და კონკურენტციისაც ეგრე რიგათ აღარ ეშინიან.

რა მოხდება მაშინ?

კოოპერატიულ ქარხნისათვის საჭიროა წარმოების გაფართოება: ამისათვის საჭიროა ახალი მუშები; მერე რა პირობებში უნდა მიიღოს ისინი კოოპერატივში?..

თანასწორ ამხანაგებთ მიღებას ხელს უშლის შემდეგი ორი გარემოება: 1) ხშირათ ხდება, რომ ახალი მუშები თავის გონებრივ განვითარებით, ან ზნეობრივთ ვერ ღვანან ძველების სიმალეზე; ასეთების თანასწორ ამხანაგებთ მიღება წარმოების დაცემას გამოიწვევს. 2) სწორ უფლებიან ამხანაგათ რომ მიიღონ, ახალმა მუშამ უნდა შეიტანოს ამხანაგობაში განსაზღვრული თანხა. ძველ მუშებს ქარხანა ფული უღირთ და ცარიელ-ტარიელ კაცს თავის ნაშრომს იგი გაუზიარებენ. ასეთი თანხა კი პროლეტარს ძვირათ თუ მოეპოვება, ყველა ამას შედეგათ ის მოჰყვება, რომ ამხანაგობა იძულებული ხდება უღალატოს შრომის პრინციპს და მუშები დაიქირაოს. აქ წარმოება ჰკარგავს კოოპერატიულ ხასიათს და კოოპერატივი ნელ-ნელა იქცევა აქტიონერულ საზოგადოებათ. ამხანაგობის მუშათა მთელი რიცხვი იყოფა ორ ნაწილათ: დამქირავებელ და დამქირავებულ მუშებათ. უკანასკნელთა ზედმეტ ღირებულებას სრულიად გადადის კოოპერატივის წევრ-მუშების ხელში, ე. ი. უკანასკნელნი ითვისებენ დამქირავებულ მუშათა ზედმეტ ღირებულებას, ანუ მათ ყვლეფენ.

საწარმოო კოოპერატივის წევრი მუშები, რომელთაც ამხანაგობა დაარსეს, კაპიტალისტური ყვლეფის მოსასპობათ და სოციალიზმისაკენ გზის ეკსპედიტით, ნელ-ნელა თვითონვე იძლინთებიან კაპიტალისტური მსიხოლოვით და ბოლოს პატარა კაპიტალისტთა როდში გვევლინებიან.

ახლა მათთვის სოციალიზმი საჭირო აღარაა! მათი მსოფლ-მხედველობა უკვე გოტენტოტურია! (კული იყო კაპიტალისტი, როდესაც მათ ყვლეფდა; ახლა კი ყვლეფვა მათთვის ბუნებრივია, ვინაიდან მყვლეფელთა როლში ეხლა თვით ისინი გვევლინებიან.

„დღემდე არსებულ ყველა საწარმოო კოოპერატივებს, აშობოს ტუგან-ბარანოვსკი, დროთა ვითარებაში მუდამ უზღებოდათ ან აელთ ხელი განვითარებაზე, ან გამოთხოვებოდენ შრომის პრინციპებს. და მართლაც, განაგრძობს ავტორი, რომლიცან წლებში დაარსებული ზოგიერთი ამხანაგობანი ნელ-ნელა გადაიქცნენ უზარმაზარ ქარხნებათ, რომელნიც ატრიალებდენ მილიონებს და აზანდებდენ ასობით მუშებს, მაგრამ ვაი, რომ მუშებს დაქირავებულთ!

კოოპერატივი გადაიქცა კაპიტალისტურ სამრეწველო დაწესებულებათ! (ხაზი ჩემია). *

ამავე ზრს უფრო ხაზგასმით იმეორებენ **ოპენგეიმერი** და პროფ. **ვიგოდზინსკი**. **).

საწარმოო კოოპერატივთა ისტორია მკერმეტყველებით და საუკეთესოთ ამტიკებს ამ შეხედულებას!

დავიწყით საფრანგეთიდან, ამ საწარმოო კოოპერატივთა ე. წ. სამშობლოდან. საწარმოო კოოპერატივებს ჩვენ აქ ვხვდებით ჯერ კიდევ გასულ საუკუნის დასაწყისში. ნამდვილი ოქროს ხანა მათ ცხოვრებაში დაიწყო 1848 წლიდან, როცა მთავრობამ გადასდო მათთვის სამი მილიონი ფრანკი, რის მეოხებითაც მათმა რიცხვმა 300-მდე მიაღწია. მაგრამ სამი წლის შემდეგ (1851 წ.) არსებობას მხოლოდ 15 მათგანი განაგრძობდა. ***).

სამოციან წლებში მოძრაობა კვლავ გამოცოცხლდა; ჯერ კიდევ 1868 წელს მათი რიცხვი მართო პარიზში ავიდა 60-მდე. ****). ჩვენი საუკუნის დასაწყისში მათი რიცხვი 250-ს აღემატებოდა. დღეს საფრანგეთში ითვლება 100-მდე საწარმოო კოოპერატივი.

მიუხედავთ ამ შედარებით საკმაო დიდი რიცხვისა, ისინი ბეწვსაც ვერ უზრიან კაპიტალისტებს. აი რას აშობოს მათ შესახებ **ტუგან-ბარანოვსკი**:

„1) ძლიერ მცირე ნაწილი მათი წარმოადგენს წმინდა ტიპის ამხანაგობას; (ხაზი ჩემია ს. მ.).

„2) უმეტეს შემთხვევაში ესენია პატარა დაწესებულებანი წვერთა ძლიერ მცირე რიცხვით და თითქმის უმნიშვნელო თანხით;

„3) უმეტეს შემთხვევაში ისინი არსებობენ მხოლოდ მთავრობის აქტიური დახმარებით, რომელიც შეუკვეთს მათ საქონელს და ამღვეს დახმარებას ფულით; ან კერძო პირთა შემოწონების ფუალობით, რომელნიც თანაუვგრძობენ სა-

*) Туганъ-Барановскій, Основы политической экономіи г. 217.

**) Проф. Вигодзинскій, Кооперация въ Германіи г. 190.

***) Сочиненія А. Михайлова, т. VI, г. 281.

****) ibid., г. 288.

წარმოო კოოპერატივებს“.*).

ყველა აქედან აშკარათ სჩანს საწარმოო კოოპერატივთა უზადრუკი მდგომარეობა საფრანგეთში. აგერ ასი წელი სრულდება მათი დაარსების დღიდან და მათ დღესაც არ შეუქლიათ უმოწყალებოთ არსებობა; ისინი დღესაც ოპოფეხებით დადიან!

ინგლისში საწარმოო კოოპერატივები არსებობდენ ჯერ კიდევ 18 საუკ. მიწურულში. გასულ საუკუნის ორმოცდაათიან წლებში მათი რიცხვი იმდენათ გაზრდილი იყო, რომ მარტო ლონდონში (1850 წ.) ითვლებოდა 20-ზე მეტი საწარმოო კოოპერატივი. ახლა კი რასა ვხედავთ ჩვენ ინგლისში? იქ დღეს არსებობს მხოლოდ ერთი ერთი საწარმოო კოოპერატივი. ქალაქის ქარხანა ნელსონში (ლანკაშერში). დაარსებულია იგი 1888 წელს; ამჟამად 116 მუშას და აქვს 4,355 გირვანქა სტერლინგათ ღირებული ქანება.**). ეს არის და ეს! აი ამ საბრალო ქარხანამ უნდა იხსნას მთელი ინგლისი (უტოპისტთა აზრით) კაპიტალიზმიდან!

უარეს მდგომარეობაშია ამ მხრივ გერმანია. საწარმოო კოოპერატივებს ჩვენ აქ ვხვდებით ჯერ კიდევ XIX საუკ. დასაწყისში. ორმოცდაათიან წლებში მოძრაობა ღრმად იდგამს ფესვებს. მას სარევიმი უდგება ფ. ლასალი. ამ დროს მთავრობაც ეთმობს საწარმოო კოოპერატივებს რამოდენიმე თას მარკას, რის მეოხებითაც მათმა რიცხვმა ასოით იმატა. მაგრამ 1859 წ. მთვან განაგრძობდენ რსებობას მხოლოდ ექვსი... ***) და ამით რიცხვებიც ნახევარში არ იყო დაცული შრომის პრინციპები. 1869 წელს საწარმოო კოოპერატივთა რიცხვმა მულტე-დელიჩის მოწმობით გერმანიაში მიაღწია 67-მდე. ****) სამწუხაროთ არაა აღნიშნული თუ ამდენი იყო მათში წმინდა ტიპისა. 1893 წელს მთვან განაგრძობდა არსებობას 109 კოოპერატივი; მ დროს ამთვან მხოლოდ სამში იყო დაცული რომის პრინციპები: დანარჩენი 106 უკვე გადაქცეულიყვნენ აქციონერულ საზოგადოებებათ. ბევრ მთვანში დაქირავებულ მუშებს შეტაკებაც უხდებოდა კოოპერატივის პატრონ მუშებთან—ეკონომურ ნიადაგზე. ასეთი იყო მაგ., კოოპერატიულ ტამბის მუშათა დიდი გაფიცვა 1891 წელს—ბრელაგში. ს. პროკოპოვიჩის მოწმობით 1906 წ. გრმანიაში არსებობდა 230 საწარმოო კოოპერატივი. დღეს კი იქ ტუვან ბარანოვსკის მოწმობით

„არ არის არც ერთი წმინდა შრომის ტიპის საწარმოო კოოპერატივი.“*) (ხაზი ჩემია. ს. მ.).

გერმანიაზე ძლიერ შორს ამ მხრივ არც ბელგია წასულა. საწარმოო კოოპერატივთა ისტორია აქაც გასულ საუკუნის პირველ ნახევრიდან იწყება. 50-იან წლებში მოძრაობა ძლიერ გამოცოცხლდა და მთელ ბელგიას მოედდა. მაგრამ საწარმოო კოოპერატივმა აქაც ისე, როგორც საფრანგეთ-ინგლის-გერმანიაში, ვერ მიაღწიეს თავიანთ მიზანს. აი როგორი მგლოვიარე კილოთი იხსენიებს მათ ბერტრანს: „... მაგრამ ვაი, რომ უმეტესობა იმათგან (ლაბარაკია საწარმოო კოოპერატივებზე. ს. მ.) არც კი გაფურჩქენილა; ისინი წარმოშობის უმაღლე ქაჩებოდენ და თავიანთ უხანა არსებობის კვალსაც აღარ სტოვებდნენ“**) (ხაზი ჩემია, ს. მ.).

ბელგიის საწარმოო კოოპერატივებში მხოლოდ ერთს ხვდა წილათ დიდი ხნის არსებობა. ესაა მესტამბეთა კავშირი, 1849 წ. დაარსებული. 1900 წელს ამ კავშირს ჰქონდა აქტივი 40.000 ფრანკი. მაგრამ ის ამ დროს უკვე აღარ წარმოადგენდა წმინდა შრომის ტიპის საწარმოო კოოპერატივს. „... ამ მუშათა ასოციაციამ, სწერს მის შესახებ ბერტრანი (1900 წ.), თავის ნახევარ საუკუნის არსებობაში ჯერ კიდევ ვერ მიაღწია მნიშვნელოვან განვითარებას და ოდნავათაც ვერ განახორციელა თავის დამაარსებელთა ოცნებანი. ის, განაგრძობს ბერტრანი, არას დროს არ ყოფილა წმინდა კოოპერატიული ამხანაგობა; ის მუდამ იყო კარჩაქეტილი ასოციაცია.“***) (ხაზი ჩემია. ს. მ.).

რუსეთში საწარმოო ამხანაგობანი არსებობდენ 1872 წლიდან. გასულ საუკუნის დამლევამდე მათი რიცხვი ასამდე ავიდა. ****) 1900 წლიდან მოძრაობა უფრო გამოცოცხლდა; ავი მთელ რუსეთს მოედდა. მაგალითად, 1909—10 წელს არსებობდა: ქ. პეტროგრადში—19 საწარმოო კოოპერატივი, — მოსკოვში 60-მდე, მოსკოვის გუბერნიაში—7, პერმის გუბ.—45, ხერსონის გუბ. და მის ახლო-მახლო რაიონებში—143 და სხვ. ასე რომ, 1910 წლისათვის რუსეთში იყო 300-მდე საწარმოო კოოპერატივი. *****) დღეს კი რუსეთში, ტუვან-ბარანოვსკის მოწმობით, „არის მხოლოდ ერთი საწარმოო კოოპერატივი წმინდა ტიპისა“ *****) (ხაზი

*) Тугань-Барановский, Соціальн. основы кооперации, გვ. 282—3.
**) Бертрань, - Исторія кооперации въ Бельгій гв. 255.
***) ibid., გვ. 251.
****) იხ. Справочная книга для артелей, გვ. 100—1.
*****) ცნობანი ამოღებულია ს. პროკოპოვიჩის წიგნიდან, Кооперативное движение въ Россіи გვ. 88—107.
*****) Тугань Барановский, Соц. основы кооперации, გვ. 232—5.

*) Тугань-Барановский, Соціальныя основы кооперации, გვ. 234.
**) ibid გვ. 232.
***) Сочинения А. Михайлова, т. VI, გვ. 377.
****) ibid., გვ. 277—8.

ჩემია. ს. მ.). დანარჩენებში კი—ზოგი გადაიქცა აქციონერულ საზოგადოებებათ, ზოგი კი ჩაბარდა ისტორიის არქივს. ეს ერთათ ერთი საწარმოო კოაპერატივი არის სოფ. **პავლოვოში**, ცნობილი დანების ქარხანა. დაარსებულია იგი 1890 წელს **ა. გ. შტანგეს** ინიციატივით. მას დღეს საქმე შედარებით კარვათ მიჰყავს. მაგრამ დახეთ ნაროდნიკთა უბედობას! ეს ერთათ ერთი საწარმოო კოაპერატივიც მთავრობისა და კერძო პირთა დახმარებით განაგრძობს არსებობას. მაგალითად, 1901 წელს მთავრობამ მას მისცა 55 ათასი მან. გძელვალდანი, უპროცენტო სესხი. კერძო პირებმა კი მას ხელწირეს 50 ათასი მანეთი. იდეურათ მას დიდ შესომდღევანლობას უწევს **ა. გ. შტანგე**. თავის საკუთარი ძალით ამ საწარმოო კოაპერატივის, როგორც ამას მოწმობს **ს. პროკოპოვიჩი** და თვით **შტანგეც**, „... არ შეუძლია არც საჭირო კაპიტალის შოვნა და არც ნაწარმოებთა გასაღება“. (ხაზი აქაც ჩემია! ს. მ.).

ასეთია საწარმოო კოაპერატივთა საქმაოთ გძელი ისტორია სხვა და სხვა ქვეყნებში და მათი მწარე ხვედრი!

მათ უძლეველი დაბრკოლებანი ელობებიან წინ: სხვილ კაპიტალის კონკურენცია; კომერციული ცოდნა-უნარის უქონელობა; წვერთა ინტერესების შეთანხმების სიძნელე, რასაც მოსდევს ხშირათ ურთიერთ შორის იჭვიანობა, უნდობლობა, ჩხუბი და აყალ-მაყალი.

და თუ ყველა ამას როგორმე გადაურჩა რამდელიმე საწარმოო ამხანაგობა, იგი ისტორიულის აუცილებლობით ჰკარგავს კოაპერატიულ—სახეხასიათს, რაც გამოიხატება შრომის პრინციპების მივიწყებაში და ხდება აქციონერულ საზოგადოებათ.

ს. მიხელიძე.

წესდება.

ამიერ-კავკასიის ახალგაზრდა მარქსისტთა ორგანიზაციისა.

I.

ორგანიზაციის მიზანი და საშუალებანი.

§ 1. ამიერ-კავკასიის ახალგაზრდა მარქსისტთა ორგანიზაციის მიზანია: ა) ყოველმხრილი შესწავლა მარქსიზმისა; ბ) მარქსიზმის იდეების გავრცელება ამიერ-კავკასიის ახალგაზრდათა შორის; გ) ამ ახალგაზრდების შეკავშირება; დ) წვერების პოლიტიკური აღზრდა.

§ 2. პირველ პარაგრაფში აღნიშნულ მიზნების მისაღწევათ ორგანიზაცია ა) აარსებს სამეცადინო წრეებს; ბ) იმუშავებს ამ წრეების სახელმძღვანელო პროგრამას; გ) სისტემატურათ აწყობს ლექციებისა და რეფერატების კითხვას; დ) სცემს ერთს ან რამდენიმე ბექდვითი

ორგანოს (იხ. § 31); ე) აარსებს ბიბლიოთეკებს; ე) დამოკიდებულებაშია რუსეთის სოციალ-დემოკრატიულ მუშათა პარტიის ორგანიზაციებთან.

II.

ორგანიზაციის შემადგენლობა.

§ 1. ორგანიზაციაში წევრთა ჩაწერა შეუძლია ყველა პროფესიის ახალგაზრდას 15—25 წლამდე.

შენიშვნა 1. ახალი წევრი მიიღება ორგანიზაციის სამი წევრის თავედობით.

2. წევრათ მიიღება 15 წელზე უმცროსიც, მაგრამ ამისთვის საჭიროა ადგილობრივი კომიტეტის ნებართვა.

§ 4. ორგანიზაციის წევრათ ითვლება ის, ვინც რეგულარულათ იხდის საწევრო გადასახადს და იღებს მონაწილეობას ორგანიზაციის მუშაობაში.

შენიშვნა 1. ორგანიზაციის წევრი, რომელიც სამი თვის განმავლობაში საწევრო გადასახადს არ შეიტანს, გარდა იმ შემთხვევისა, როცა ეს გამოწვეულია საპატიო მიზეზით, ორგანიზაციიდან გარიცხულათ ითვლება.

2. წევრები, რომლებიც დაარღვევენ დისციპლინას, წესდებს ან თავისი მოქმედებით ჩირქს მოსცხებენ ორგანიზაციის ღირსებას, გამოირიცხებიან ორგანიზაციიდან საერთო კრების დადგენილებით.

III.

ორგანიზაციის ნივთიერი საშუალებანი.

§ 5 ორგანიზაციის ნივთიერი საშუალება შესდგება ა) ორგანიზაციის მიერ გამოართულ წარმოდგენების, ლექციების და სხვ. შემოსავლით.

§ 6 საწევრო გადასახადი ა) ქალაქებში 1) ერთდროული—1 მ.; 2) თვიური—50 კ. ბ) სოფლებში 1) ერთდროული—50 კ. 2) თვიური—25 კ.

IV.

ორგანიზაციის გამგებლობა.

§ 7 ორგანიზაციის საქმეებს განაგებს ა) საერთო კონფერენცია; ბ) ცენტრალური კომიტეტი; გ) ადგილობრივი კომიტეტი; დ) საერთო კრება; ე) რაიონული კომიტეტი.

ა) საერთო კონფერენცია.

§ 8) საერთო და ყველა ორგანიზაციებისათვის საყურადღებო კითხვებს არჩევს საერთო კონფერენცია.

§ 9) კონფერენცია იკრიბება ყოველ წლობით, წლის დასაწყისში.

შენიშვნა 1. განსაკუთრებულ შემთხვევებში ცენტრალურ კომიტეტს და საკანტროლო კომისიის (იხ. § 29) აქვს უფლება მოიწვიოს სავანგებო კონფერენცია.

2. თუ რომელიმე ორგანიზაციამ აღძრა

საკითხი კონფერენციის მოწვევის შესახებ, ცენტრალური კომიტეტი უნდა შეეკითხოს ყველა ორგანიზაციებს და შესაძლოა უმრავლესობის სურვილი.

§ 10. კონფერენციის მუშაობის საგანია ა) ცენტრალურ კომიტეტის მოხსენება; ბ) მოხსენებები ადგილებიდან; გ) ცენტრალურ კომიტეტის და საკანტროლო კომისიის წევრთა არჩევა და სხვ.

§ 11. კონფერენცია კანონიერათ ითვლება, როცა წარმოდგენილია არა ნაკლებ ორ მესამედ ორგანიზაციებისა.

ბ) ცენტრალური კომიტეტი.

§ 12. კონფერენცია ირჩევს ცენტრალურ კომიტეტს, რომელიც მოქმედებს შემდეგ მორიგ კონფერენციის მოწვევამდე.

შენიშვნა ცენტრალურ კომიტეტის ხელ-ახალი არჩევნები შეიძლება მოხდეს საგანგებო კონფერენციაზედაც, თუ ამას მოითხოვს ერთი მესამედი დელეგატებისა.

§ 13. ცენტრალური კომიტეტი განაგებს ყველა ორგანიზაციების საერთო საქმეებს.

§ 14. ცენტრალური კომიტეტი იწვევს საერთო კონფერენციას, როგორც მორიგს ისე საგანგებოს.

§ 15. ცენტრალური კომიტეტი სცემს ბეჭდვითი ორგანოს და ნიშნავს სარედაქციო კოლეგიას.

§ 16. ცენტრალური კომიტეტი ირჩევს თავის შემადგენლობიდან სარევიზიო კომისიას, რომელიც კანტროლი უნდა გაუკეთოს ადგილობრივ ორგანიზაციებს.

§ 17. ცენტრალური კომიტეტი აცნობებს ყველა ადგილობრივ ორგანიზაციებს მიმდინარე საყურადღებო კითხვების შესახებ თავის დადგენილებებს.

§ 18. ცენტრალური კომიტეტის ქეორუმი უნდა შესდგებოდეს იმ ორგანიზაციის წევრთაგან, სადაც თვით ცენტრალური კომიტეტი მოქმედობს.

§ 19. ადგილობრივი ორგანიზაციები ცენტრალურ კომიტეტის სასარგებლოთ სამ თვეში ერთხელ იხდიან თავის შემოსავლის 25%.

გ) ადგილობრივი კომიტეტი.

§ 20. ადგილობრივ ხასიათის საქმეებს განაგებს ადგილობრივი კომიტეტი, რომელსაც ნახევარი წლით ირჩევს ორგანიზაციის წევრთა საერთო კრება.

შენიშვნა. ადგილობრივ კომიტეტის ხელ-ახალი არჩევნები შეიძლება მოხდეს ნახევარი წლის გასვლამდეც, თუ ამას მოითხოვს წევრთა 20%.

§ 21. ადგილობრივ კომიტეტის დანიშნულებაა: ა) მეორე პარაგრაფში აღნიშნულ წრეების მოწყობა და მათი ხელმძღვანელების დანიშვნა; ბ) ლექციების და რეფერატების მოწყობა; გ) ბიბლიოთეკის მოწყობა; დ) ადგილობრივ ს.-დ. ორგანიზაციებთან კავშირის დაჭერა; ე) ადგილობრივ და საერთო საყურადღებო ამბებზე გამოხმაურება; ზ) საერთო კრების მოწვევა;

შენიშვნა. საერთო კრება უნდა იქნას მოწვეული აგრეთვე იმ შემთხვევაში, თუ ამას წევრთა საერთო რიცხვის 10% მოითხოვს.

§ 22. კომიტეტის სხდომა კანონიერათ ითვლება, თუ მას დაესწრო არა ნაკლებ წევრთა საერთო რიცხვის ნახევრისა, წინააღმდეგ შემთხვევაში დანიშნება მეორე სხდომა, რომელიც კანონიერათ ჩაითვლება, რამდენი წევრიც არ უნდა დაესწროს.

დ) საერთო კრება.

§ 23. ადგილობრივ ორგანიზაციის საერთო კრება განიხილავს ორგანიზაციის ყველა საყურადღებო კითხვებს და ირჩევს დელეგატებს საერთო კონფერენციაზე დასასწრებლათ.

§ 24. საერთო კრება ირჩევს ადგილობრივ კომიტეტს და სარევიზიო კომისიას, რომელიც ავტონომიურათ მოქმედობს.

§ 25. საერთო კრების პრეზიდიუმს ირჩევს თვით კრება თავის შემადგენლობიდან.

§ 26. საერთო კრება კანონიერათ ითვლება, თუ მას დაესწრება არა ნაკლებ წევრთა საერთო რიცხვის ერთი მესამედისა.

შენიშვნა. ხელმოკრეთ დანიშნული საერთო კრება კანონიერათ, რამდენი წევრიც არ უნდა დაესწროს.

ე) რაიონული კოლექტივი ქდა ორგანიზაცია.

§ 27. საქიროების მიხედვით ადგილობრივი ორგანიზაცია იყოფა რაიონულ ორგანიზაციებათ.

§ 28. რაიონული ორგანიზაციები ირჩევენ რაიონულ კოლექტივებს.

შენიშვნა. ამ შემთხვევაში ადგილობრივი კომიტეტი შესდგება რაიონულ ორგანიზაციების წარმომადგენელთაგან.

V.

საკანტროლო კომისია.

§ 29. კონფერენცია აირჩევს საკანტროლო კომისიას, რომელიც თავაყურს ადევნებს ცენტრალურ კომიტეტის მუშაობას.

§ 30. საკანტროლო კომისიას აქვს უფლება მოიწვიოს საერთო კონფერენცია.

VI.

ცენტრალური ბეჭდვითი ორგანო.

§ 31. ორგანიზაციას აქვს ცენტრალურ ბეჭდვითი ორგანო. (ერთი ან რამოდენიმე სხვა და სხვა ენაზე — შეძლებისა და საქიროების მიხედვით).

შენიშვნა. რამდენი ან რომელ ენაზე გამოიცეს ბეჭდვითი ორგანო, ამ საკითხს ყოველ ცალკე შემთხვევაში სწყვეტს საერთო კონფერენცია.

98433/2
1918

ამიერ-კავკასიის ასხლგასრდა მარქსისტთა ორგანიზაციის პირველი კონფერენცია.

(მოხსენებები ადგილებიდან).

1. ქუთაისის ორგანიზაცია.

ქუთაისის მარქსისტ მოწაფეთა ორგანიზაციის საფუძველი რეაქციის დროს ჩაეყარა. 1912 წელს ორგანიზაციაში ირიცხებოდა მოწაფეები 5 საშვალო სასწავლებლებისა; მათი რიცხვი პირველ ხანებში 90 იყო; ამ ორგანიზაციის ხელმძღვანელობდა 9 კაცისაგან შემდგარი კოლექტივი, რომელმაც გამოიმუშავა წესდება, სამაცადინო გეგმა და დაარსა სამკითხველო. ორგანიზაციის ჰქონდა აგრეთვე გექტოგრაფზე ნაბეჭდი ჟურნალი „ჩვენი მიზანი“,—იგი ითითქმის სისტემატურათ გამოდიოდა კარგახნის განმავლობაში.

1916 წელს ქუთათურ ამხანაგების ინიციატივით ქუთაისში მოწვეულ იქნა მარქსისტ მოწაფეთა პირველი კონფერენცია, სადაც საფუძველი ჩაეყარა ამიერ-კავკასიის მარქსისტ-მოწაფეთა კავშირს.

მეტად ცუდ პირობებში გვიხდებოდა მუშაობა, მაგრამ ორგანიზაციის წევრთა რიცხვი თანდათან იზრდებოდა. ორგანიზაცია იმ თავითვე არაფრაქციული იყო. რევოლუციის შემდეგ კი, წევრთა რიცხვი შესამჩნევად გაიზარდა და 1918 წლის რეგისტრაციით ორგანიზაციაში ირიცხებოდა 700 წევრი. არსებობს წევრები, რომელსაც ხელმძღვანელობენ ჩვენი ამხანაგები და სტუდენტები. ამას გარდა დრო-გამოშვებით იკითხება მოხსენებები სხვა და სხვა საყურადღებო კითხვებზე. ფინანსიურის მხრით ორგანიზაცია უნუგეშო მდგომარეობაშია. ამ ჟამათ ორგანიზაცია აქვს 600 მანეთამდე. საწევრო ჯგავსახალია: ერთდროული — 1 მანეთი, თეიური—40 კაპ., აგრეთვე გამართულ იქნა წარმოდგენები, ორგანიზაციის მატერიალურ საშუალებათა გასაძლიერებლად. ამ ჟამათ ორგანიზაციას აქვს 200 მანეთამდე. რეაქციის დროს გამოდიოდა ხელთნაწერი ჟურნალი.

ფოთში და ოზურგეთში ახალგაზრდა მარქსისტთა ორგანიზაციის მიერ გახდის გამოცემას ჩვენი ორგანიზაცია უარყოფით შეხება, რადგან ასეთი კულტურის გამოცემანი ხელს შეუშლიან ცენტრალურ ორგანოს გამოცემას, რომლის გამოცემა და არსებობა აუცილებელია და მეტ სარგებლობას მოუტანს ახალგაზრდობას. ამიტომ მარქსისტთა ახალგაზრდა მარქსისტთა ორგანიზაციამ დაადგინა დაიხუროს ფოთის და ოზურგეთის ორგანოები, სანამ უზრუნველყოფილი არ იქნება ცენტრალური ორგანოს არსებობა და მისი საგამომცემლო ფონდი არ გაძლიერდება. ცენტრალურ ორგანოს გამოცემას აოფროტოვანებით შეხედენ ადგილობრივი ამხანაგები, გროვდბად ფული და აგრეთვე გადაწყვეტილია გაიმართოს წარმოდგენები; შემოსავალი გაიზარდეს „ახალი კვალი“-ს ფონდის გასაძლიერებლად.

2. ხაშურის ორგანიზაცია.

ხაშურში 1914 წლიდან არსებობს მარქსისტ მოწაფეთა ორგანიზაცია. წინეთ წევრები ცოტა იყო, მაგრამ შემდეგ შემოხსენებულმა ორგანიზაციამ თავის მოქმედება გადიტანა სხვა სასწავლებლებშიც. მაგალითად, ადგილობრივ ქალთა გიმნაზიის და ქრა-კერვის სასწავლებლების მოწაფეებიდან დაარსებულ იქნა „იარეკები“, სადაც მეცადინეობა სისტემატურათ სწარმოვბდა. უფროს მოწინავე ამხანაგთა წრეში გადიოდენ შემდეგ წევრებს: „ერფრუტის პროგრამა“ კ. კაუტკისა. „მოკლე კურსი პოლ. ეკონ.“ ა. ბოვდანოვისა, „ისტორიული მატერიალიზმი“ (და სხვ.). აგრეთვე ვიწვევდით ანხ. ნ—რე იმ—ლს, რომელიც გვიკითხავდა ლექციებს „ისტორიული მატერიალიზმიზე“, „დიალექტიკაზე“, „ნაც. საკითხზე“ და სხვა).

1916 წლის დამლევს სასწავლებლის ადმინისტრაცია

ციის მიერ შემჩნეულ იქნა წრეების არსებობა, რასაც მოყვა მუშაობის შეჩერება. რევოლუციის პირველ დღეებშივე მუშაობა კვლავ გაჩაღდა, ნორმალურ კალაპოტში ჩაღვა; წევრთა რიცხვი 200-მდე ავიდა.

ზაფხულში მუშაობა შეჩერდა, რადგან ორგანიზაციის წევრები—მოწაფეები წავიდ-წამოვიდენ, დარჩენილი ამხანაგები კი ისმენდენ პროპაგანდისტთა კურსებზე ლექციებს.

სამოსწავლო წლის დაწყებისას მუშაობა განახლდა და მარქსისტ მოწაფეთა ორგანიზაციაში შემოვიდენ წევრებმა მუშები, ნოქრები, ჯარის-კაცები და სხვა პროფესიის ახალგაზრდები, რისთვისაც მას (ორგანიზაციას) დაერქვა, შინაარსის მიხედვით, ახალგაზრდა მარქსისტთა ორგანიზაცია. რ. ს.-დ. მ. პ. ხაშურის ორგანიზაციის კომიტეტის დახმარებით ჩვენმა ორგანიზაციამ დაიქირავა ბინა, მოაწყო თავისი კლუბი (ახალგაზრდა მარქსისტთა კლუბი), ბიბლიოთეკა და სხვა. შემუშავებულ იქნა წესდება, სამაცადინო გეგმა, რომლის მიხედვით სწარმოვბს სწავლა—მუშაობა კვირაში ორჯერ. აგრეთვე შედგენილ იქნა მოწინავე ამხანაგებისგან რეფერენტთა ჯგუფი, რომელიც ყოველ კვირა დღეს აწყობდა რეფერატ—მოხსენების კითხვას, იწვევდა მოწინააღმდეგეებს და მართავდა კამათს. ორგანიზაციის მუშაობა-მაცადინეობას ხელმძღვანელობს იგივე რეფერენტთა ჯგუფი. რიცხვი ორგანიზაციაში ჩაწერილ წევრთა ასზე მეტია. საწევრო ჯგავსახალია: ერთდროული—1 მანეთი, თეიური—40 კაპ., აგრეთვე გამართულ იქნა წარმოდგენები, ორგანიზაციის მატერიალურ საშუალებათა გასაძლიერებლად. ამ ჟამათ ორგანიზაციას აქვს 200 მანეთამდე. რეაქციის დროს გამოდიოდა ხელთნაწერი ჟურნალი.

ფოთში და ოზურგეთში ახალგაზრდა მარქსისტთა ორგანიზაციის მიერ გახდის გამოცემას ჩვენი ორგანიზაცია უარყოფით შეხება, რადგან ასეთი კულტურის გამოცემანი ხელს შეუშლიან ცენტრალურ ორგანოს გამოცემას, რომლის გამოცემა და არსებობა აუცილებელია და მეტ სარგებლობას მოუტანს ახალგაზრდობას. ამიტომ მარქსისტთა ახალგაზრდა მარქსისტთა ორგანიზაციამ დაადგინა დაიხუროს ფოთის და ოზურგეთის ორგანოები, სანამ უზრუნველყოფილი არ იქნება ცენტრალური ორგანოს არსებობა და მისი საგამომცემლო ფონდი არ გაძლიერდება. ცენტრალურ ორგანოს გამოცემას აოფროტოვანებით შეხედენ ადგილობრივი ამხანაგები, გროვდბად ფული და აგრეთვე გადაწყვეტილია გაიმართოს წარმოდგენები; შემოსავალი გაიზარდეს „ახალი კვალი“-ს ფონდის გასაძლიერებლად.

ხაშურის ახალგაზრდა მარქსისტთა ორგანიზაციაში ბალშევიკები არ მოიპოვებინან და ის (ორგანიზაცია) მენშევიკ-ინტერნაციონალისტურ ხაზს ადგია. საერთოდ, მიუხედავად მრავალ დაბრკოლებათა, მუშაობა სასურველათ მიდის.

მოხსენებელი გ. მგელაძე.

რედაქტორ-გამომცემელი:

სარედაქციო კოლეგია.